



1.3

1.3



LIBRARY OF THE
UNIVERSITY OF ILLINOIS
AT URBANA-CHAMPAIGN

Emblems

096.1

F884m



RARE BOOK ROOM



MYTHOLOGIA ETHICA,



ANTVERPIÆ,
Philippo Gallxo Christophorus Plantinus excudebat.
M. D. LXXIX.

HO. ST.

At the Court of the
Honourable the Lord High
Treasurer of the Exchequer
in the City of London
this 20th day of January
1781

Sheweth that the said
Honourable the Lord High
Treasurer of the Exchequer
has caused to be printed

chrè autem illud à fabulorum vetustissimo cory-
phæo AEsopo præstitum sit , nullus est qui igno-
ret, & si quis forsitan sit qui eius Mythologias non
admodum magni faciendas esse existimet , is quæ-
so in ipsius scriptis examinandis ingenij aciem pau-
lo diligentius intendat , videatque quàm scitè , quàm
appositè , animantium , stirpium , hominum , ani-
matorum denique atque inanimatorum proprias ac
peculiares affectiones naturasq. inuestiget , quàm non
temerè aut casu rebus sermonem attribuat , quàm reli-
giosè rerum *συμπαθείαν* & *ἁρμονίαν* siue concentum ob-
seruet , quod vt vno atque altero exemplo patefaciam
(nam singula persequi prolixi esset commentarij) quid
potuit fingi venustius atq; ad naturam accommoda-
tius , quàm mustelæ contra basiliscum astutia , vbi ad-
mirandam rutæ contra venena vim ac præsentissimum
ἀλεξήτριον nobis considerandum reliquit , in gallo au-
tem gallinaceo generosissimum ac ferocissimum ani-
mantium cantu suo leonem fugando occultam naturæ
operationem , in communi morum ratione muliercu-
læ avaritiam , gallinam aurea oua parientem secantis ,
quod hic sexus viris sit , cum suo etiam sæpè dispendio ,
ad rem attentior . De fabularum autem ac similitudi-
num (res enim propè eadem est) dignitate nulla est
controuersia , quando ipse mediator Dei & hominum ,
Deus & homo Christus , proteruam Iudæorum per-
uicaciam , gentilium perfidiam , vulgi stupiditatem ,
Pha-

Phariseorum fastum ac contumaciam contuderit, perfregerit, erudierit, docuerit parabolis & exemplis. quid? quod ænigmatiæ tortuosisque quæstionibus diuina mysteria vulgo proposuerit, neque ad sacrosancta adyta quæmquam præter eos qui à terrenis sordibus mentem despumabant, admiserit: partim rerum arduarum magnitudine terreri infirmos insinuans ac gradibus quibusdam ad cælestis sapientiæ apicem deducendos: partim latentem quandam in hoc instituendi genere delitescere energiam ac incredibilem voluptatem sitam esse. Nam cum per anfractus diu hominem detineat, id tandem efficit, ut rebus è media vitæ consuetudine ac quotidianis actionibus petitis, quod minimè persuaderi antea potuerat, nunc vltro arripiat, amplectatur, & quod absurdum quandoque videbatur, ex paradoxo popolare postea ac suspiciendum venerandumque reddat: adeò cæca caligine in hunc carcerem deturbati nostri sunt animi, ita voluptatum ac corporis cœno immersi, ut huiusmodi conuinci argumentis gestiant, ut horum doctrina rationi obtemperare malint, quàm abstractis à sensuum iudicio rebus. quòd igitur ea moralis philosophiæ tradendæ cum omni hominum generi, tum vel maximè vulgo via sit expeditissima, neque minus quàm apophthegmata, Chreæ, sententiæ, quorum laudi nullus vnquam sapiens detraxit, virium habeat, ex his abundè li-

* 3 quer.

quet . Eapropter optimi viri , cum hic fabularum
non Æsopicarum modò , sed quorumcumque quæ
hactenus haberi potuere , libellus non ita multò an-
te è Belgico in Gallicum idioma vernaculo vtrif-
que carmine translatus sit , vestro hortatu , qui Stoæ
veteri ac virtutum scholæ impensè fauetis , cum La-
tio donandum censui , æquabili ac plano , nec non
à poëtarum legibus vindicato sermone , cum pluri-
bus de causis tum hisce potissimùm , quòd solutam
orationem à pluribus quàm numeris astrictam legi
in confesso sit , quoniam ea plerique magis delecten-
tur , quàm carmine ; cùm facilius maior lectorum
pars eam assequatur . præterea vt omnium non arti-
ficum modò liberaliorum cœtui , pictorum dico , scul-
ptorum , architectorum , & similium hunc libellum ,
quo nihil in eo genere , vel ipsorum iudicio , hacte-
nus prodiit elaboratius , commendatiorem reddere-
mus , verumetiam iis nationibus eius faceremus co-
piam , ac muta quæ in eo sunt animantia redderemus
vocalia , qui neutrum istarum linguarum , quibus
hactenus editus est , callent . quòd nos potissimum
Latinæ linguæ beneficio consecuturos non ambi-
gimus . Id etsi pro voto meo nondum consecutus
sim , erunt tamen qui meam operam , conatum , ac
subsecuias horas non aspernabuntur , si qui sugilla-
uerint , erit hoc mihi cum multis commune , non pro-
bari omnibus : vobis autem ob veterem consuetudinē
atque

atque amicitiam noctes meas Atraticas dedico con-
secroque : has virtutis cultores Socratico amore fouete,
illis & mihi à Mercurio longo postliminio ad Musas
redeunti indulgete. non minus vobis hæ fabulæ quàm
diuini Platonis matura diuinæque philosophia, Socra-
ticæ inductiones, Pythagoræ abstrusa reconditaque
inuolucra, Epicteti præcepta, Ceberis humanæ vitæ
labyrinthi fabulosæ ethices doctrinæ persimilis, aut
denique ipsa historia vitæ magistra, vtilitatis com-
modique adferent. neque enim diffidendum est fo-
re hanc Æsopicam philosophiam optimam vitæ in-
stituendæ magistræ, cuius auctor sapientissimus
quandoque Solonem monuerit, cum regibus ἡ ἡμεῖς ἡ
ἡμεῖς loquendum esse, neque eum morum nobis lē-
ges ferre verecundabimur, quem Græciæ tantum lu-
men ac superbissimarum Athenarum legislator pru-
dentissimus monentem audire non fastidiuit. non mi-
nus fortassis ex harum fabularum lectione, dum si-
mul oculos & animum pascitis, profecturi quàm A-
madisij commentis, Ariosti poëmatis, atque id ge-
nus innumeris scriptis. sub quibus libenter fateamur
tectæ esse quamplurima, quæ ad communem vitam,
politicam administrationem, aulicas technas, rem
militarem, non parum lucis adferunt. Speramus au-
tem & Latinæ linguæ candidatis ob rei varietatem,
ac multiplices dictionum nomenclaturas, quæ hic
perpetuò, rarò alibi, occurrunt, hoc opusculum nec
ingra-

ingratum, nec inutile futurum. Valete & pergi-
te, vt facitis, vestram vterque Spartam exornare.
Antverpiæ anno restitutæ salutis CLO. IO. LXXIX.
Nonis Iunij.

I N Z O I L V M.

*Diuide qui cunctas exosus conteris artes,
Si tibi quid nostri displicet ingenij,
Sodes carpe, doce, dabimus posthac meliora.
Carpere nil artis, sed meliora dare.
Vulnere frondes cit virtus, rubigine ferrum.
Contrahitur, rectè cote nisi polias.*

HEXASTICHON LIBRI

A.D. LECTOREM.

Paruæ molis eram Phrygio dictante magistro
Multorum factus grandior inde opibus
Æsopus quondam monstroso corpore nanus,
Gibbosus, labeo, mente sed ingenua:
Graus me Graio contextuit ante cothurno:
Nunc Scytha, nunc Afer, nunc terit
Ausonia:

A

AVRIGÆ ET EQVI
FABVLA.

EQVVS quidam ab iniquo domino pessimè habitus, ita ut ob inediã strigosus ac macie cōfectus cute ossibusq; miseram tegeret animam, in difficile quendam altoq; cœno demersum locū deducitur, unde cū se explicare nequiret, à tetrico ac iracundo auriga immaniter vapulabat: quare multa secum ingemiscens, cū loci difficultatem & heri sibi plus operis imponentis quàm ferēdo esset, incusaret inclementiam, magis magisq; ab excandescēte essedario (qui seminecis miseria nullo doloris affectu tangebatur) impulsus fustigatusq; hoc demum solatij loco exhalaturus animam, audire cogitur: Debes tu verò hinc te hodie extricare, aut extrema à me experiri.

QUADRAT in δημοβόρης fabula, qui veluti hiru-
dines adeò grauib. subditorum sanguinem exactio-
nibus eliciunt, ut præter cutem atque ossa salui misel-
lis nihil sit.

Into-

Intolerabilis exactionum
sauidia.



*Ite ergo & operamini, palea non dabuntur vo-
bis, & reddetis consuetum numerum laterum.
Exod. 5, 18.*

CUM omnia animantium genera, leo regia inter ea dignitate præfulgens, graui se morbo oppressum simulās, ad statā diē adesse inisset, quo de imperij negotiis cognosceret, pacatumq; se mortuo posteris regnū relinqueret, obsequuntur omnia ac præstituto die frequentia ad regiam comitiorum nomine conuolāt. Sola vulpes astu reliquas superans, abeuntium vestigia in puluere contemplata, regis aspernata imperium vesanam ac inconsideratam ultimarū temeritatem incessens, Ne vos estis, inquit, insana ac verè eo quo appellamini digna nomine, bestia, quæ ad regiā comitantium vestigia non diligentius examinetis; meminisse quippe oportuerat ingressas quàm plurimas, rediisse nullam.

COMMENDAT præsens fabula eorum prudentiam, qui maturo consilio lenocinātem improbi principis tyrannidem, qua misera plebecula, heu nimium facilè, irretitur, effugiunt, eosque vitant casses quibus capti sunt pluriimi.

Prudentia

Prudentia ex alieno periculo.



*Asutus videns malum absconditus est: paruuli
transseuntēs sustinuerunt dispendia.*

Proverb. 27, 12.

A 3

QVER.

IMPROBI principis exemplum pulchro ordine consequitur quercus & Vulmi fabula, qui cū cruento quondam quercui consilio ut sui confirmandi ac stabiliendi causa reliquas omnes arbores extirparet euelleretq̃, moleste non modo suggereret, Verumetiam pręgnantibus suo iudicio rationib. atque argumentis persuadere conaretur, longa demum importunitate clementiss. regis, diu Vulmi atroces preces dissimulantis ad iracundiã prouocat patientiam; cūmq. percontanti regi, ecquid sibi reliquis excisis arborib. contra tempestatum turbinumq̃ vim faciundum censeat, confusus nihil suggereret, grauissimis ei regia indignationis necisq̃ interminatis pœnis, si Vlti in posterum negotium facesseret, à reliquarum arborum consortio eum eliminat.

QUERCUS principi popularis demerendæ beneuolentiæ viam commonstrat, docetq̃ qualis ipsius in subditos debeat esse affectus, vt videlicet secundę & aduersę suorum fortunę condoleat & communicet.

Prin-

7
Principatus subditorum salute
confirmatus.



*In multitudine populi dignitas regis: & in pau-
citate plebis ignominia principis.*

Proverb. 14, 28.

A 4

LEO-

LEO galli cucurientis (aiūt enim hanc esse inter illa animantia natura agrā δ' ὄσον νόον) voce attonitus fugā capeſſit, quod fors ſtupidus quidā aſinus fuga cauſſa non intellecta cōſpicatus, ſibi ipſi eā attribuit ac leonem inſequitur. leo tanto ſpatio emenſo, ut galli cantum nō amplius audiret, eaq; formidine animū liber aſſet, Sardonicè ridēs conuerſus, in aſinū irruit; quē cum unguibus diſcerperet, his verbis ſtoliditatis arguit: *Ha, ha, ſiccine leonē aſino viſo conſternari ſeſeq; in fugā conicere demens autumas? Inutili tibi exēplo ſub meis hodie diſce unguibus ſtolidum eſſe temerario quodā auſu diſcipulum ſeſe in certamen cum magiſtro committere; aut arroganti quadam præſumptione quicquam ſuis impar viribus audere.*

PRAETER QVAM quod fabule coronis vſum eius ſecūm adferat, hoc etiam attexam: Veſaniæ cuiuſdā extremæ eſſe, naturæ ſuæ dotibus non conſideratis, alium ſe audere venditare, etiam his qui multis te nominib. excellunt, quā reuera ſis.

Vis

Vis potentioris temere laceſſita.

ACCESIT



Non litiges cum homine potente, ne forte incidas
in manus illius. Eccles. 8, 1.

Noli resistere contra faciem potentis, nec coneris
contra ictum fluminis. Eccles. 4, 32.

A 5

HO-

HOMINIS MORTEM ACCERSENTIS.

DECREPITÆ atatis senex ingenti quam baiulabat sarcina onere, & via molestia defatigatus, succumbit, ac mortem è vestigio arcescit; quæ cum vocantem exaudivisset ac pone esset, telumq; iam in eum collimarct; Age, inquit, ô mors non idè te acciui ut mihi vitam adimeres, sed ut ablata sarcina laboris partem tolleres ac itineris tadium leuares.

FIT ita plerumque, ut cùm gravius aliquod nobis imminet malum, pristinæ oblici calamitatis, præsentem æquiori animo feramus molestiam: adeoque nullus sit ita confecta ætate, qui se annum non putet (ut inquit Cicero) posse vivere, addam & hoc, qui non etiam velit vel in maximis vitæ ærumnis perpetuò vitam traducere, existente natura ita sui sollicita conservatrice.

Vita



*Melior est mors quàm vita amara: & requies
æterna quàm languor perseverans.*

Eccles. 30, 17.

Melior est canis vivus leone mortuo. Eccles. 9, 4.

BA-

BASILISCI ET MY- STELAE.

OPACAM, horridam, & pribusq; cooper-
tam speluncam immanis ac truculentus basiliscus
inhabitans, assidueq; contra reliqua animantia
excubans, mustelam quādam iuxta antrū quo-
tidie pascentem insidiosè observabat, sepiusq; egre-
diebatur ut eam abriperet, sperans se voti fore
quandoq; compotem, cum pulchrè interim muste-
la hostis improbos conatus irritos redderet, ac im-
potentem nocēdi libidine prudentia sua eluderet.
Impavida enim suis munita armis specum hostis
subit, haud ignara ruta ramusculo (eam contra
venena presentissimam aiunt esse antidotum)
quo corpori circumdato hostem sepius remorata
fuerat, in posterum se facile eius veneni vim a-
molituram.

MONET infirmiorē fabula, ut cautè ac prudenter
contra fortiorē se communiat, suaq; consilia insti-
tuat, cogitetq; non tā viribus quàm prudentia eius ma-
chinationes conuellendas ac pessumdandas esse.

Con-

Consilio & viribus munita
defensio.



*Resistite diabolo, & fugiet à vobis. Jacob. 4, 7.
In omnibus sumentes scutum fidei, in quo positis
omnia tela nequissimi ignea extinguere.
Ephes. 6, 16.*

GEMELLOS cum simius haberet fœtus, hos dispari ratione educabat, ita ut tenebrimè complecteretur alterum, alterius sibi vita mendis scatere perpetuò videretur, hanc suo dimovebat consortio, illam ad eò sibi domesticè coniunctæque conuivere volebat, ut à suo numquam discedere latere pateretur; nullum denique, ut in uniuersum dicam, in eius vita nauium deprehendebat; saltat itaque impunè, in orbem se versat, nullumq; insolentia genus, coarguente nemine, prætermittit, quo fit ut coxâ luxet: pater fors infortunio nati superueniēs, ingentiq; luctu omnia cōplens, sublatū in ulnas ita arctè cōplectitur stringitq;, ut animam è vestigio exhalaret, similiolo insano amore necem, ac sibi mærorem concilians.

COMPETIT in eos apologus parentes, qui cæco ac infelici amore suos liberos prosequuntur, nimia sua erga eos indulgentia, sibi ad extremum mærorem, ipsi exitium consciscentes.

Insanus parentum erga pro-
les amor.



*Qui parcit virga, odit filium suum; qui autem
diligit illum, instanter erudit. Proverb. 13, 24.
Confusio patris est de filio indisciplinato: filia au-
tem in deminoratione fiet. Eccles. 22, 3.*

LEO-

AMPLO patentiq³ campo famelicus quidā
 leo equum conspicatus, veteratorie accurrit, ac se
 medicum professus suam equo operam offert, adiun-
 turum se inquiens, si quo fors morbo corporisve
 vitio laboret. nam se prasentissima contra omnia
 morborum malorumq³ genera domi reposita re-
 media habere: at equus leonina versutia depre-
 hensa, Opportune, ait, ades optatiss. medicorum,
 & comodum te mihi pater Apollo misit Æscu-
 lapium; nam posteriorum pedum alterum latens
 exedit vomica, ille medicas postulat manus,
 ille tuam opē efflagitat, illi obsecro malagma ap-
 plicato. Leo dum se vulnus consideraturū simu-
 lans ad posteriora equi applicaret, ita ab eo calce
 petitur, ut communi sensu sua sede turbato at-
 tonitus in terram corrueret.

FERE fit ut qui de aliis circumueniendis ac sup-
 plantadis satagunt, simili aut maiori astu illi sui frau-
 dis talionem reportet, & quod in parcemia est, In scro-
 bem incidant, quam alteri effoderunt.

Dolus



*Meliora sunt vulnera diligentis, quàm fraudulenta oscula odientis. Prouerb. 27, 6.
In oculis suis lachrymatur inimicus: & si inuen-
rit tempus, non satiabitur sanguine.
Eccles. 12, 16.*

VULPI Gruem inuitanti, prandium ipsa condixerat: cūque venisset, puls ei lance apponitur: illa cū ob rostri longitudinem vix dum famem ex paropside restingueret, salsè à Vulpe irridetur. grus hanc tacitè ferens ignominiam, simili strophæ Vulpem ludificatur a vicissim inuitat, ac epulum cucurbita infusum mēsa infert, rogatq; ne suas dedignetur gustare dapes; sibi enim eas ut lienem curaret præsertim paratas: ipsa dein rostro immisso lautè pascitur, atque opiparis dapibus suam ingluuiem farcit. Vulpem dein canillata, ut ferculum placuerit, interrogat: Vulpes Verò se rectè tractatam annuit, propriiq; delicti percita conscientia, artem arte eludendam esse, ac malo nodo malum esse querendum cuneum fatetur: neque defuturos qui eum decipiant, qui in decipiendis aliis omne suum studium collocat, cū scycophantarum plena sint omnia.

Fraus fraude compensata.



Ipse deludet illufores, & mansuctis dabit gratiã.

Proverb. 3, 34.

Qui apprehendit fapientes in aſtutia eorum, & conſilium prauorum diſſipat. Iob. 5, 13.

B 2 PA-

*DVLCEM quandoq; Luscinia cantum pa-
uo admirās cū audiret attētius, ei amulatus, cū
Natura quòd sibi tantum beneficium quo praeter
teris anibus ob plumarum Venustatem condeco-
rari conuenisset, non impertita esset, expostulat. at
prouida Natura suam ei vicissim ingratitudinē
exprobrans, se cantus istius ac melodia vice alio
nobilissimo quodam munere dotatum regerit, ac
iniquè admodum agere, cū nec sua Luscinia pra-
rogatiua inuideat, neque dotib. additq; actum si-
bi perpetuò agendum fore, si ex cuiusque prescri-
pto ac sententia nouae quotidie rebus forma in-
ducenda essent.*

PRAESENTIS fabulae institutum est, receptis à
Deo summo naturae opifice beneficiis, quemlibet mo-
nere contentum esse, neque id curiosius anquirere, cur
alia aliis dona indulta sint.

Natu-

Naturæ beneficæ iniusta & ingrata
criminatio.



Sint mores sine auaritia, contenti praesentibus.
Hebr. 13, 5.

B 3

OVIS

QVÆ peruetusta fuit ouibus cū lupis discordia cū in atrox quandoque exarsisset bellum, atque oues sub tutissimo robustissimorum canum præsidio degeret, suis diffisi viribus lupi pacem petunt, obsidesq; suam ouibus sobolem pollicentur, si vicissim sibi canes concederentur. acceptant conditionem expertes fraudis onicula, atq; eiusmodi utrinque pax legibus stabilitur: ne quod altera pars alteri priuata publicaq; vi damnum det; si quid secus fiat ab ulla partium, ea ex legū præscripto noxam luat. Vbi luporum catuli succreuisissent, ipsi in oues, lupi in canes irruunt; incautūq; gregem violata fide immaniter deglubūt discerpuntque.

CAVET nos hic locus, ne hosti temerè credamus, neque temerè de eius fide nobis quicquam promittamus qui fallere consuevit, verum cum Cretense Cretisandum, & quod sacri monēt codices, amico reconciliato neutiquam esse fidendum.

IN-

Innocentia facilè decepta.



*Non credas inimico tuo in æternum ; sicut enim
 aramentum æruginat nequitia illius ; & si
 humiliatus vadat curuus , adice animũ tuũ,
 & custodi te ab illo. Eccles. 12, 10, 11.*

B 4

LEO-

LEO nescio qua fortuna aut à Venatoribus adactus, aut alia sorte cùm in rete incidisset, ac frustra vel maximis laboribus sese explicare conatus, magis magisque irretiretur; cùmque nequicquam strennue laboraret, præsentis periculi vicinitatem vehementer formidans, horrendum rugit: quo clamore glis, quem sibi quondam beneficio deuinxerat, excitatus accurrit, retisq₃ arrodens fila leonem liberat, ac perpetuam sibi leonis opem operamq₃ conciliat.

SAEPENVMERO accidit, vt tenuiores ac humiliores vel maximæ etiam fortis hominibus gratificandi ac beneficij rependendi occasionem nanciscantur; quo fit vt nullius arroganter aspernanda sit conditio, neque quisquam ita vilis aut abiectus est, qui non quandoq; nobis vsui esse possit.

Bene-

Beneficij reddendi nemini prære-
pta occasio.



Si bene feceris scito cui feceris, & erit gratia in bonis tuis multa. Benefac iusto, & inuenies retributionem magnam. Eccles. 12, 1, 2.

B. 5 . AQVI-

AQVILONIS, PHOEBI ET
VIATORIS.

CVM Aquilone de Viribus Phœbo certamen ineunte, suasq; utroque extremè depradicante, intantum lis incruduit, ut cùm eius dirimenda arbitrum electuri essent, experimento uter plus Viribus polleret explorarent, Viatorem statuunt cui qui penulam detraheret, is victoriâ palmam reportaret. Hunc primū nimbosus Boreas ingenti procella adoritur, tantumq; abest ut suo impetu Viatori Vestem adimat, ut magis etiam magisq; eum inuoluat. at solita suo radiorum iubare ipsum pungit, ut lacernam æstus impatientia è Vestigio à se Viator abiiceret.

EORVM commendat apologus vtilem operam, qui ratione potius ac comitate quàm violentia in suam alios faciunt condescendere sententiam; duci enim volunt, non cogi homines.

MO-

Moderata vis impotenti violentia potior.



*Non quia dominamur fidci. 2. Cor. I, 24.
Factus sum infirmis infirmus; ut infirmos lucrifacerem. I. Cor. 9, 22.*

CICA-

LOCUSTA dum hiems appeteret à formica stipem emendicans, rogat uti ex aceruis à se congestis suam egestatem leuet. formica autem neglecti amœnissimi temporis ei memoriam refrigerans, desidia, otio, cantilenisq; cum in tritico degeret traductâ astatem exprobrat; tum, inquires, venturi te temporis meminisse oportebat, cum omnium rerum abundantia afflucres, disce nunc hac egestate, qui temporis non laborat, neque occasione seruit, sed luxu voluptatēque diffluit, miserrum quandoque ac omnium rerum indigentem moriturum esse, ac magno nimis immatura sua huiusmodi gaudia comparaturum.

TEMPORIS esse pretiosissimam iacturam vsuramque honestissimam docet fabulosa narratio, occasionem itaque dandam esse operam, neque ita indulgendum esse genio, ut in prospera fortuna aduersę atque in mediis gaudiis luctus imminentis obliuiscamur.

Con-

Contraria industriæ ac desidïæ
præmia.



*Propter frigus piger arare noluit : mendicabit
ergo æstat, & non dabitur illi.*

Proverb. 20, 4.

LV-

LVPVS cū ab osse deglutito propemodum strangularetur, multorum ope implorata, gruem demum pulchris ad illud eximendum promissis sollicitat: persuasa grus collum lupino rictui indit, ei^q ē gutture os extrahit. cū^q promissa officij premia postularet, hoc à lupo respōsum refert: Adeone es tu hebes, Ut tecum non consideres, potuisse me tibi, cū in gulo collum insertum haberes, Vitam adimere; attamen tui misertus pepercerim? abi igitur, mihi^q id acceptum habe, quod quam adimere tibi potueram, Vitam habeas.

BENEFICIUM disce tum pessimè collocatum, cū in ingratum confertur: neque aliās. vñquam tibi oleum operamq̃ue veriùs perire, quàm in huiusmodi hominum genus profusa.

Fœda



*Ingrati enim fides tanquam hybernalis glacies
tabescet, & disperiet tanquam aqua superna-
cua. Sap. 16, 29.*

FRA.

FRAXINI ET ARVN-
D I N I S.

DVM Fraxinus arroganti quodā fastu spre-
ta Arundine suum in calum extolleret robur,
Arundinisq; flexuosa imbecillitati nimium insul-
taret, se tempestatibus ventorumq; ac turbinum
impetui resistēdis natum, eam vel minima aura
conquassari inquit, acris quidam ac ingens ex-
oritur typho, Fraxinumq; imis reuulsum stirpi-
bus proster nit: Arundo Fraxini ruinā contem-
plata, Quā tuta, ait, interdum victoria, fir-
maq; vires sunt furori violentiaq; cedere!

IN SANAM fastus Fraxini virium ac roboris osten-
tationem edocet, suoque exemplo demonstrat poten-
tia temere nitentium vanitatem vt plurimum eludi.

Superbi fastus collisus.



*Dispersit superbos mente cordis sui . Deposuit po-
tentes de sede & exaltauit humiles.*

Luca I, 51, 52.

C

OPI-

OPILIONIS FALSO SÆPIVS
CONTRA LVPOS OPEM
IMPLORANTIS.

VERSIPELLIS quidā Opilio fraudis do-
liq; insignis artifex, dum gregem pasceret, men-
tiendi quadam libidine nulla necessitate rustico-
rum ac sociorum contra lupos opem implorare
consueuerat: quod cū ab eo factum esset crebrius,
ac Vaser Veteratoris omnibus innotuisset ani-
mus, cœpere eius in posterum clamorem flocciface-
re: accidit nō multo post, ut e grege lupus quidam
ouem raperet; opilio iam nō per iocum, ut antea,
sed ut præsens postulabat necessitas, ad pristinam
vociferandi consuetudinem conuersus, surda à
suis, quorum nequiquam auxilium accersibat,
aure auditur, suiq; mendacij onis iactura luit
pœnas.

CUM mendacis illud sit præmiū, ut veritatem
dicenti credat nemo; manifestum euadit, probrosam
esse mentiendi consuetudinem ac perniciosam.

Men-

Mendacis poena in veris deroga-
ta fides.



*Suavis est homini panis mendacij, & postea im-
plebitur os eius calculo. Proverb. 20, 17.*

C 2 LVPI

LVPVS Scrofam foetam vicinamq³ partui
 rescians ad suas conuersus artes hanc adit, & ob-
 stetricandi artem simulans, ei suam offert operã.
 illa lupina fraudis non ignara, paucis ambagibus
 sua se opera egere negat, hanc sibi aliter per se li-
 cere collocare: at ipse partui deuorando instans,
 Scrofa renuntiatione haud faciliè permonetur,
 suamq³ operam etiam offerre impudentius vel in
 nutricandi munere, repulsam passus in uno, nti-
 tur. Scrofa lupi importunitate excandescens, Fa-
 cesse hinc, ait, vel ex Unguibus & pelle te lupum
 insidiatorem esse cognoui.

EXTREMAE cuiusdam vesaniæ esse docet Scrofæ
 in suis tutandis prudentia, improbis hominibus ac ve-
 teri yafricie extritis, suam salutem credere, atque in co-
 rum tutela acquiescere, qui eò omnes animi neruos in-
 tendunt, vt proximi fortunas ac salutem in extremum
 discrimen adducant.

Fictæ

Fictæ amicitia non fidendum.



Homo qui blandis fictisq; sermonibus loquitur amico suo, rete expandit gressibus eius.

Proverb. 29, 5.

C ;

MV-

GALLINAM mulier quadam aureū sibi
 quotidie ouum parientem, magnum sanè domus
 suae & rei familiaris fulcimen, alebat. de hac ipsa,
 cupidine prudentiam occacante, quod onis scate-
 ret, perniciosam sibi animo opinionem concipit: ni-
 miaq; spe lucri illecta, cum uberio rem prouentū
 speraret, ventrem secat, ac latentem ouorum the-
 saurū explorat; utq; se, spe & unici illius & plu-
 rium frustratam animaduerneret, cacam suam
 & precipitem auaritiam accusat.

ITA plerumq; fit ut cum nimia opū cupiditate in-
 satiabilis auaritiæ charybdis æstuarie incipiat, & ea quæ
 adsunt perdat, & iis destituatur quæ quotidiana rerum
 vsura certò importabat: neq; de muliercula dumtaxat
 narratur fabula; sed cum de omnium hominum gene-
 re, tum vel maximè mercatoribus, quibus nil pensi
 est lucrâdi studio temerè suas fortunas ac pecanias sorti
 credere, neque prius acquiescere, quàm bis rēve solum
 vertant, animamq; omnibus debeant.

-Nimia:

Nimia habendi cupido perdita.



Avarus non implebitur pecunia: & qui amat divitias, fructum non capiet ex eis.

Eccles. 5, 9.

C 4

MV-

M V L A quondam dum optimè incūdisimè-
 que pasceretur, neque ullis aruminis laboribusve
 uti cetera iumenta premeretur, tranquillioris
 vitæ ac otij pertæsa, genus suum proanosq; odiosa
 quotidie contentione iactans, ex nobilissima se e-
 quorum indole prognatam, palastra, cursui, atq;
 id genus exercitiis idoneam esse dictitabat, neque
 tam ingloria vitæ mancipandam; quo fit, ut
 post longas sæpiusq; reiteratas querimonias impe-
 traret, uti e stabulo in carceres atque hippodro-
 mum sua virtutis ac pernicitatis exēplum edi-
 tura emitteretur: ubi cum generosissimorū equo-
 rum currendi peritiam conspiceret, natura suæ
 tarditate ac stupiditate agnita, Hem, ait, iam
 me ego ex victa & inertī asina proseminatam
 conspicio.

V s v s & experientia quemque quid possit admo-
 nent, eidentissimisq; rationibus quantæ sint cuius-
 que vires, & quò se extendant, manifestum faciunt.

Pro-

Proditus ex opere artifex.



Qui dicit se nosse eum, & mandata eius non custodit, mendax est, & in hoc Veritas non est.

I. Ioan. 2, 4.

C S

VER-

AD CAVLAM properans lupus ouina pelle contactus, suam Veruerci operam defert, rogatq; ut secum in proximum longè amœniſſimū nemus exſpatiet. at Veruex ſe ita quidem aditurum fuiſſe aſſerit, ſi lupus ipſe non ouis eſſet, qui utraſque imbelles à ferarum iniuriis ac rapacitate tutari poſſet. gaviſus tali reſponſo lupus, depositis ouinis exuuiis, Sum equidē lupus, inquit; age unā ad ſilvā contendamus. Videlicet teipſam opperiebar, ait Veruex; noui enim etiam nū quinam ſis: nunc tu ſolus in malā rem abi, ego meā obſeruabo cauſam donec aliū nanciſcar comitem: ſat mihi ſit hoc tempore vel tantillum didiciſſe lupum pellem non animum mutare.

ITA nouum non eſt ouina pelle contactos inter innocentes quamplurimos ac rapaciſſimos lupos, cruentasque degere feras.

Res

Res ex superficie non iudicandæ.



*Attendite à falsis prophetis, qui veniunt ad vos
in vestimentis ovium, intrinsecus autem sunt
lupi rapaces. Matth. 7, 15.*

BVL

BVBVL CI IDOLVM SVVM
CONFRINGENTIS.

BVBVLCVS quidā idololatra Codropau-
perior, cū ad Deum suum tutelarem cui lignēā
in larario statuam colebat, indies confugeret, pre-
cibusq; instanter fatigaret, neque sua pietatis effe-
ctum ullum fructūve capesseret, victus tan-
dem idoli pertinacia, impatientia frēna laxans
ascia pertundit, atque insperato è fatiscentis aluo
delitescētē auri thesaurum producit, ac suo ido-
lo insultās, Egregiē te esse malignum operapretiū
est, qui vi quā spontē, pertusum quā integrū,
conuicianti quā roganti benefacere malueris.

QVANDOQV IDEM per vim extortum beneficiū
nullam mereatur gratiam, adnitendum cui libet est, ut
vltronea spontanea que liberalitate bene facere con-
suescat.

Ex-

Extortum beneficium.



Nam si commortui sumus, & conuiuemus; si sustinebimus, & cōregnabimus; si negauerimus, & ille negabit nos. 2. Timoth. 2, 11.

VVL-

VVLPE*s* cum felibus iter faciens suam insolenti quadam ostentatione calliditatem atque astutiã multis nominibus laudabat: felium verò usque adeò deprimebat, ut in vilissimis duabus potissimũ rebus earum usum consistere assereret; unum, quòd delicatiorũ dominarum latitia deservirent: alterum, quòd muribus insidiarentur: dum hac utringq; cõtrouersia agigaretur, ita tamen ut vulpes murium officia improba insectatione contaminaret, communes sibi hostes canes à tergo imminere conspiciunt; feles subito conscensa arbore canum laniatum effugiunt; vulpes nullũ videns effugij locum capta; Heu, cum stolidi sit, inquit, inanis iactantia, tum illud stolidissimum vituperare eos qui nostra ruina aut futuri sunt aut fucere spectatores.

FABVLA irrisores alienæq; vitæ suggillatores perstringit, vulpisq; exemplo ignominiosè eos subinde, qui in aliis cauillandis voluptatem capiunt, vitam finire, ac maximi eos quos antea spreuerant, tum facere, cū se iisdem innodatos vident laqueis, quos isti perruperunt, commonstrat.

Virtus verbis non re ostentata.



*Superbiam numquam in tuo sensu, aut in tuo
 verbo dominari permittas: in ipsa enim initiū
 sumpsit omnis perditio. Tob. 4, 14.*

SER-

SERPENTIS ET INCUDIS.

SERPENS *Incudi infensus cùm eam amb-
edere conaretur, quanto eam rodit acrius, tanto
sibi ipsi nocet magis: dum enim non videt, præ-
sumptionis fascino excacata, se ferri duritiem dē-
tium fragilitate emollire non posse, atq; talem ad-
oriri hostem cuius frustra laceßiti se ultionem
euasurum sperare viresq; conuellere, debeat, pro-
priis se incantum dentibus destituit, atque huius-
modi ab incude responsum refert: O insane nimium,
licet arei tui dentes essent ac capiti quàm firmissi-
mè iniuncti, nihil tamen contra innatam mihi
soliditatem duritiemq; profecturi essent.*

REPREHENDIT eorum dementiam fabula qui
cùm nullis propemodum aut perquam exiguis viribus
præditi sunt, cum iis congregiuntur quorum vires tan-
tæ sunt, vt vel fortissimos aspernari ac pessundare
queant.

Arrogans discipuli præ-
sumptio.



*Ego sum Iesus, quem tu persequeris. Durum est
tibi contra stimulum calcitrare.*

Actor. 9, 5.

D

DVO-

DVM *foetum cancer (ex eorum genere quos cammaros Plinius indiget at) aliam quandam natandi rationem quàm qua à natura & materna educatione imbutus erat, docere conaretur, priscamq; ac retrogradam veluti indeccram calumniaretur, iniuria se reprehendi quòd haud aliter natare didicisset, regerit, paratum se si aliter à matre, exemplo natandi rationem edocente, instruatur, morem gerere, nunc cum parens à seipsa dissideat, ac secus natet quàm se natare velit, nandi artis rudimēta aliunde sibi haurienda discendaq; esse.*

IN I Q V I censores ac aristarchi, qui cum in aliorum moribus carpendis ac perstringendis lyncei sint, in propriis talpis cæciores existunt, notantur, iisdemque vitiis contaminatissimi sunt, quorum nomine reprehendunt alios; pauci que veteris illud poetæ norunt;

Turpe est doctori cum culpa redarguit ipsum.

Do-

Doctrina exemplo dissentanea.



*Qui ergo aliū doces, te ipsum non doces; qui pra-
dicas non furandum, furaris. Rom. 2, 21.*

D 2 LEPO-

LEPORIS AC TESTVDINIS.

LEPVS cum testudine de velocitate ac per-
 nitate pedum contendens, suam ei tarditatem
 corporisq; molem exprobrat, imperiumq; sibi in eā
 vindicat: Testudo leporis fastu cōtemto, ne praei-
 dicatis sententiis in eius potestatem deueniret, rē
 explorari rogat, ac aduersarium in certamē pro-
 uocat, neq; se aliter ei quā si victa sit hanc lau-
 dem suamq; libertatem cessurā testatur. dies lo-
 cusq; certaminis assignantur: contendit uterque
 ad praestitutam metam; testudo totam diem no-
 ctēmq; cautē gradiendo leporē qui temporis nulla
 habita ratione Unico se cursu facile eò peruenturū
 sperabat, anteuertit, ac palmam praeipit.

Vs vs fabulæ est, In omni vitæ actionisq; genere
 assiduitatem quamplurimum posse, cunctaque ardua
 industria ac diligentia demum superari, ac lentē festi-
 nando, quod monet ille, plus effici quā prætura
 properatione.

Natu-

Natura assiduitate superata.



Nescitis quòd ij qui in stadio currunt, omnes quidem currunt: sed unus accipit brauium. sic currite ut comprehendatis. 1. Cor. 9, 24.

D 3 COR-

COMPARATIVM ita est, ut quāvis improborum dissimilia sint ingenia, neque eadem malitiæ ratio, ne inter ipsos quidem, in eo tamen uno optimè inter ipsos cōueniat, quod bonis male perpetuò velint. Sic innocens ab omnibus semper impetitur ouicula. Huic quandoq; coruus in dorsum aduolans cum immaniter adunco rostro laniaret, de iniuria secum ovis ita exposulat, ut in se quidem dicat inermem & imbellem scuire, non perinde ausurum in cane, quem fors monstrabat, vires suas periclitari: at coruus nil eo motus, nosse se probè quid faciat, respondet.

FRVSTRA contra eos querimonias instituimus ac nostrum ius prætendimus, qui ex aliena calamitate ac ærumnis voluptatem capeffunt.

Infra-

Infamis inermium oppugnatio.



Vidua & pupillo nō nocebitis. Si laeseritis eos, vociferabūtur ad me, & ego audiam clamorem eorū: & indignabitur furor meus, percutiamq; vos gladio, & erunt uxores vestrae viduae, & filij vestri pupilli. Exod. 22, 23.

PEDICÆ *vulpes illaqueata cum ab Apī aculeis ita pungeretur ut cruentata exterius tota appareret, ab alia quadam vulpe uti à se eas insectas abigeret admonetur: ipsa sibi parum tutum id consilium videri asserit, quòd ab actis saturis cruorisq; plenis, recētes ac famelica aduolantur sint, multoq; grauius quàm quibus iam sanguine distentus venter, quod reliquum in corpore est, exsuctura sint.*

VETVS prouerbiū est naturæ characteribus cuiusvis animo insculptum, E duobus malis minus malum semper esse eligendum.

Mino-

Minoris mali è duobus cauta
electio.



*Sed melius est mihi absq; opere incidere in manus
vestras, quàm peccare in conspectu Domini.*

Daniel. 13, 23.

D 5

AQVI-

VULPI quondam Aquila insidiata, catullos rapit, atque in altum subuolans ad suum defert nidum, id fors Vulpes interueniens conspiciata, cum tunc quidem nil aliud ob prolium raptū, quàm aëra minis questibusq; complere posset, altè menti illatam iniuriam insigens, occasione vindictæ præstolata, ardentem arbori in qua Aquila nidulata erat supponens facem, pullos aquilinos, matre nequiquam ad eorū clamorem aduolante ac nimium serò opitulante, fumo flammāq; suffocat, id suo malo docens Aquilam, quod ipsa minimè antea norat, vindictæ nemini præclusam esse viam.

COMMONEFACIT hic locus vel minimos sæpe numero vltionis occasionem nancisci, ideoque temerè violandum esse neminem.

Peri-

Periculosus aliorum contemptus.



*Qui iniuriam facit, recipiet id quod iniquè gessit,
 & non est personarum acceptio apud Deum.
 Coloss. 3, 23.*

AMI-

AMICORVM pariter ingressum, dū variis colloquiis via tadium lenarent; fortē ingentē sibi vrsū obuiam occurrentem haud magno à se interstitio formidine perculsi cernentes, lōgo deliberandi spatio exclusi, à se inuicem viatores separantur: scandit hic arborem, ille in terram confestim mortuum se simulans (nam à cadaueribus abstinere vrsos protritum est) proruit: cui cū vrsus immoto humi procumbenti appropinquaasset, mortuum ratus, suum iter prosequitur: quare ex arbore socius conspecta, cū extra periculū cuncta esse animaduerneret, ad amicū reuersus, Quid ei in aurem vrsus susurrasset anquirat: Hoc est, inquit, ut tui similes amicos fugerē, eorumq; suspectam amicitiam haberem, qui secunda tantū fortuna amicitiae iura colunt.

AMICVS certus in re incerta cernitur.

Fucatae amicitiae nota.



*Omnis amicus dicet, Et ego amicitiam copulaui:
sed est amicus solo nomine amicus.
Eccles. 37, 1.*

ASI-

CUM catellum hero abblandientem, carumque eo nomine esse animaduertisset Asinus, cepit secum iniqua vitæ sorte penitus introspecta, queritari, catellum in otio & deliciis vivere, se plagis verberibusque tundi, huic dominum blandiri, ipsumque vicissim domino. suam igitur ruditatē incusans, eandem herilis gratiæ demerēdæ viam ingressus, qua non ita pridem usum canem viderat, inconditis blanditiis rudens, primoribus herum pedibus, lepidè scilicet applaudens, concutit; Unde à servis citato gradu accurrentibus insigniter fustigatus duro cuidam rustico ad labores emancipatur diuenditurque.

IN fictionem ac hypocrisin comparata est fabula, hortaturque nos asini infortunium rectè incedendum esse, neque à vitæ statione temerè ad aliam cui minus sufficimus, deflectendum esse.

Nc-

Neglecta Sparte.



*Et insiliens homo in eos in quo erat demonium
 p̄ssimum, & dominatus amborum, inualuit
 contra eos, ita vt nudi & vulnerati effuge-
 rent de domo illa. Act. 19, 16. Act. 8, 19.*

EX EODEM dum lupus agnusq; riuulo fors
 biberet, hic ex inferiori, ille ex superiori laticis sca-
 turigine sitim restinguebant: Agno viso turbari
 sibi ab eo aquam caenoq; permisceri improbus insi-
 diator ac helluo canillatur, atque his vel similib.
 agnum vocibus adoritur; Te etsi taurus fuisses,
 in eam umquam prorupturum fuisse audaciā,
 neutiquam existimassem. at agnus malitia hostis
 probe cognita, formidine animū percellente, dum
 se modestè excusare conatur, his ab eo verbis re-
 primitur: Itāne iactabunde mihi patris tui per
 omnia similis audes respondere? etiāne verbu-
 lum audes hiscere? non impune hoc feres, sed dabis
 mihi pro ista tua audacia vel morte hodie pœ-
 nas.

CALVMNIATORVM malignam notat nocendi
 libidinem, qui quauis atque adeo nulla occasione ca-
 ptata, ex infontium moribus, malitiæ quæstum faciūt:
 neque aliās magis in sinum gaudent, quàm cū bono-
 rum vitam, famam, ac fortunas in discrimen addu-
 xerint.

Affe-

Affectata improborum nocendi
malitia.



*Vnde princeps & satrapæ quarebant occasionem
ut inuenirent Danieli ex latere regni.
Daniel. 6, 4.*

FVR *quidam effractis noctu foribus cani domestico excubanti panem obiicit, ne se ades expilantem proderet: at ipse sui minimè muneris oblitus, nequaquam sibi hoc pacto os obturari patitur, sed latratu clamoribusq; furis prodita presentia, domesticos excitat, ipsumq; effractorem grauitè his verbis increpat: Toto aberras calo flagitiose verbero, si me utilitate ac commodo illectū estimationis meæ iacturam tuo celato crimine subituum existimas, aut me lucelli cupiditate famam fidemq; venalem habere autumas.*

DETERRET à flagitiosa proditiōis ac infidelitatis infamia seruos, dum incorrupti fidissimi animantium canis in herilibus rebus tutandis constantiam depingit, quo exemplo iure omnes permoueri debent, vt castè atque inuiolatè fidei sacra seruent: quando neque apud eos è quorum vsu est proditio eiusmodi hominum genus vñquam bene audiat.

Ger-

Germanæ fidelitatis in proprij com-
modi aspernatione, exemplum.



*Si est tibi servus, sit tibi quasi anima tua: quasi
fratrem sic eum tracta. Eccles. 33, 30.*

CANIS INVIDI ET BOVIS.

VILLATICVS quidam canis in am-
 nissimo quodam prato volutatu, latratu, nata-
 tione atque id genus aliis oblectamentis genio in-
 dulgens, ut bouem eò pastum procedentem cerne-
 ret, arcere ipsum intemperanti petulantia atque
 insolentia à pastu consueto impensè conatur: bos
 importunum canem comiter compellans, ne sibi
 suo iure utenti faciat iniuriam, aut à pastu ex-
 cludat obsecrat, cum quòd neque suo hæc dapes pa-
 lato conueniant, tum quòd nihil in ea pascua ipse
 iuris obtineat: at frustra cum iniurio rationum
 momenta aspernanti, bos contendit; nam etsi fœ-
 num suis non seruire visibus minimè inficietur,
 haud mediocrem tamen sibi oblectationem vo-
 luptatemq; afferre.

VSQVE ADEO deprauata plurimorum hominum
 sunt ingenia, ut quibus ipsi frui bonis nequeant, ea a-
 liorum visibus inuideant, malintque omnia pessundare
 quàm alienæ egestati permittere.

Æstuans

Æstuans inuidiæ nocendi libido.



Rursus contemplatus sum omnes labores hominum, & industrias animaduerti patere inuidia proximi. Eccles. 4, 4.

E 3

EQVI

INGENTI sarcina onustus Asinus, & equi
 una secum iter facientis pabulum baiulans cum
 oneri succumberet, equi auxilium implorat; qui
 nulla asini miseratione motus, otio ac voluptua-
 ria vita commodis lasciuiens, ad comitis preces
 obsurdescit; expirat onere enectus asinus. id dum
 agaso conspicit, grauiter admodum petulco salien-
 tiq; equo succensens, qui partem laboris in se susci-
 pere recusarat, iisdem quibus antea asinum, one-
 ribus premit, ac plagis emollitum suo maximo do-
 cet incommodo immiti feritate deposita, pietatis
 ac mansuetudinis affectu aliorum miseris & a-
 rumnis condolere.

NON iniuria istorum hominum miseriis insulta-
 tur, qui vsque adeò secunda fortuna insolescunt, vt non
 dico proximi calamitatibus non moueantur, sed iis etiã
 opitulari renuant, qui pro ipsorum salute vitæque com-
 modis, maximos labores exantlarunt.

Iustum immisericordiæ præmium.



Anima impij desiderat malum, non miserebitur proximo suo. Prouerb. 21, 10.

Alter alterius onera portate: & sic adimplebitis legem Christi. Galat. 6, 2.

E 4

COR-

VULPES sui semper similis cum religiosum ducat à maiorum degenerare moribus, susq̃ deq̃ habet quem suis fraudibus impetat, neque eodem quo ipsa, improbitatis iure perfusis, parcit: itaque coruum opimi casei frustum rostro gestantem ac arbori insidentem dum conspicit, laudare etiam atque etiam ipsius plumas, dignumq̃ prædicare si sylvestre eius ingenium plumarum candori (mendaci illud assentatione) responderet, cui obsequium reliquæ aves præstent; quem sibi etiam regem eligant: qua laude corvus gestiens dū crocire, veluti commendantis applaudens encomio, incipit, Vanè seipsum titillans, casei frustum ex ore cadere permittit: quod dein à Vulpe hoc videlicet venante ut assentatione epulum eliceret, excipitur.

ASSENTATORVM cæ sunt artes, ut verborum lenociniis laudum ac popularis auræ cupidorum hominum mentes incantando, opes ac facultates, vel derisa demum ipsorum dementia, deglutiant.

Dam-

Damnosa incautis assentatio.



Homo qui blandis fictisq. sermonib. loquitur amico suo, rete expandit gressibus eius.

E 5

RA-

*Q*VALIS inter ranas muresq³ belli (quod peruetusto Homericocarminē nobilitatum est) tempore quondam fuit contentio, non dissimilis rebus inter ipsos compositis (discordia etiam inter amicos gliscente) rana muriq³ amulatio fuit. rana etenim pastui saginaq³ quarenda, iuxta littus oberrans dum murem conspicit veteris similitatis recordata, ultionis adesse tempus rata, sinistri nihil suspicantem musculum ad prandium inuitat, sublatumq³ humeris per aquas subuecturum se pollicita, dum in mediis esset undis, excutit submergitq³: at maximo suo malo veteris inimicitiae refricans memoriam, dum ab hoste reluctante haud ita facile expediri posset, vulturi aduolanti uterque praeda fit.

HABET ea in hominum morib. affabulatio energiam, ut improbos demonstret rarissimè vel numquā supplicium euadere: nam quod ait Horatius, Raro antecedentem scelestum deseruit pede pœna claudō: ita & mus exfoleti propemodum delicti, & rana præsens muricidij luit pœnas.

Præ-

Præda hostium ex amicorum
discordia.



*Omne regnum in seipsum diuisum, desolabitur;
& domus supra domum cadet.*
Luc. II, 17.

RA-

CVM fors optimū quendam in amœnissimo prato bonem rana conspiceret, ecquid ipsa tantillo corpore sit, bone interim insigni mole, cornuta fronte, superbis palearibus ornatū ostentante, queritur: ac bovi appropinquans, propriā humilitatē calūniata, cū se superba quadā iracundia exiliens ultra vires, bovis magnitudinē æquare conata, attolleret, media crepat, iliisq; ac sanguine humo asperso, discit docētq; non esse hoc alterius virtutē emulari, suæ conditionis ac viriū oblitum, arroganter cristas erigere. atq; oportunè hac à ridente bone reprehensione perstringitur: Cedo misera cur tibi præstitisset mihi corpore fuisse æqualem? scilicet ignorabas quamplurimos tibi perferendos fuisse labores ac molestias, à quib. te natura corporis exigui beneficio vindicauit.

IS OPPIDÒ omniū calculis felix censendus est, sua qui viuit sorte contentus, tantoq; est beatior in humili vitæ genere, quàm in fastigio rerum collocatus, quanto pauciorib. rebus indiget, quantoq; eius venter minus, vt inquit ille, quàm alterius capit.

Præpostera & inutilis arrogantia.



Superbum sequitur humilitas, & humilem spiritu suscipiet gloria. Prouerb. 29, 23.

Tu humiliasti sicut vulneratum. Psalm. 88, 11.

CRE-

CERVI SEIPSVM IN FONTE
CONTVENTIS.

CERVVS corpore membrisq₃ in fontis latice attentius consideratis, pedes plus quàm par erat vituperiis maledictisq₃ incescit, cornibus omne decus laudemq₃ attribuit, hoc unico venustatis ac magnificentia ornamento gloriatur, ignarus equidem adhuc quid pedes possent, quantum cornua obessent; nam cū per patentes campos pedum beneficio venatorum manus effugeret, atq₃ ad virgulta non multò post vepresq₃ perveniret, his cornibus irretitur, ac canibus fit praeda, à quibus laniatus praeposteras suas laudes incusans, pedes qui se toties antea servarant, vituperasse ingemiscit, laudasse autem stolidè hosce ramos, qui sibi interitūs morisq₃ causa extitissent.

PLERISQVE omnibus singulari quadam naturæ depravatione hoc vitium innatum est, vt spretis iis quæ quammaximè nobis vsui sunt, vltro perniciofa accersamus, fastuq₃ ac superbia tumidi nobisipsis calamitatum omnium fenestram aperiamus.

Stul-

Stulta laudis ac vituperij per-
mutatio.



*Arrogantia tua decepit te, & superbia cordis
tui. Ierem. 49, 16.*

*Va, qui dicitis malum bonum & bonum malum.
Esaia 5, 20.*

CO-

COLVMBARVM ET ACCI-
PITRIS.

CVM Miluus implacabile contra columbas bellum atque inexpiabiles inimicitias suscepisset, (quî enim potest gluttonibus rapacibusq; cum quouam nisi commodi caussa conuenire?) neque ullis umquam induciis locû faceret, diuturna hostis afflictione victa columba, dū charybdim euitare conantur, in Scyllam peioresq; scopulos incidunt: accipitris enim opem implorant, quæ ipsis presidio contra Milui impetum esset; atque adeo regem hunc sibi etiam deposcunt. famelicus ille conditionem acceptat, imperiumq; ita in innocentes exercet, ut non magis fœtui quàm matribus parceret, sed & has & illos deuoraret.

IN tyrannos principes, regiamq; impotentē dominandi libidinem, qui pro libitu violata fide seipso legibus soluētes, omne truculentiae genus in subditos designant, parū illud attendētes quod sanctissimè ab Imperatore dictum est lib.6. C. tit. de testam. Licet lex imperij iuris solemnibus Imperatorem soluerit, nihil tamē tam proprium imperij est, quàm legib. viuere: quapropter tyrannorum contra tyrannos sollicitanda non sunt auxilia.

Tyrannorum sollicitatum auxilium.



Ecce confidis super baculum arundineum confractum istum, super Aegyptum: cui si innixus fuerit homo, intrabit in manum eius, & perforabit eam: sic Pharaon rex Aegypti omnibus qui confidunt in eo. Iſaia 36, 6.

F

CER-

CERVI ET EQVI.

CERVI etiam odio equus, sed impari ratione meliusq; promeritus, utpote qui dolo malo ageret, columbis nil mali umquam comminiscen-
 bus, humano auxilio accersito, sibi exitium parat, pollicitus se homini post nauatam operã quacumq;
 in re obsecuturum: conditionem urgente equo, ita homo accipit, si se sessorem, frena, calcaria, &
 id genus quæ ad debellandum ceruũ necessaria vi-
 debuntur, pati non recuset; passurum se hac &
 plura, modo ceruus vincatur, equus annuit. homo
 igitur equo conscenso ceruum insequitur, teloque
 sternit: atque ob eam rem summis ab equo laudi-
 bus affectus blandè compellatur, rogaturq; uti se
 dimittat. Verum tantum abest, ut libertatẽ con-
 sequatur, aut se amicis verbis redimat, ut ho-
 minis etiam voluptati, submisso in alterius per-
 niciem collo iugo, feruire coactus, intolerandis ope-
 ris pressus, vitã ad extremũ arumnosè finierit.

IVSTAM illi Nemesis experiuntur, ac digni sunt, qui
 malè pereant, qui ut aliorum vitã in discrimen adducãt,
 turpi seipfos atque ignominiosæ seruituti addicunt.

Inquietum alienæ felicitatis odium.



Lacum aperuit & effodit eum : & incidit in fo-
ueam quam fecit . Conuertetur dolor eius in
caput eius : & in verticem ipsius iniquitas eius
descendet. Psalm. 7, 16, 17.

VNA Hircus atque Vulpes astuante siti vehementer pressi, in cisternam quandam desiliunt: ac hircus proclini quidem descensu, ascensu non itidem aequè facili considerato, Vereri se inquit, ne ibi capiatur, maximeq; hoc laborare quonam pacto se ex hoc loco expediat: quem Vulpes bono iubet esse animo; euadendi se viam iam animo concepisse, si prior ipsa è puteo ascendisset. monet igitur hircum ut anteriorib. pedibus contra murum erectis, capiteq; modicè inclinato scala sibi vicem subeat. id ubi hircus fecisset, ac Vulpes cisternæ marginem, extra omne periculum constituta, obtineret, hirci his verbis taxat inconsiderantiam. Si tanta menti tua prudētia, quot barba ac mēto pili, inesset, haud tam temerè scrobem, egrediendi ratione non prameditata, ingressus esses.

PRUDENTIS est ita rerum antecedentia & consequentia ponderare, ne inconsiderata temeritate in discrimen veniat.

Falla-

Fallacis credulitatis exitium.



Qui citò credit, levis corde est, & minorabitur.

Eccles. 19, 4.

Abominatio Domini est omnis illusor.

Prouerb. 3, 32.

F ;

LEO-

LEO omne quadrupedum genus (in hac enim ipsum tenere imperium nemini incognitum est) ad bellum quod animo versabat, instructum paratumq³ esse iusserat: hic Ursus cum fors duorum asini & leporis meminisset, ecquid hic pauidissimus animantium contra hostem prestare, aut iste ob insignem stupiditatem bello usui esse possent? asinum quidem ait leo dum inconditè rudit, anibus metum incussurum (eandem fortassis vim quam porci grunnitu contra elephantos obtinent) at leporem ob singularem suam celeritatem pedumq³ pernicitatem, speculatoris ac hemerodromi simul functurum optimè munere, rerumq³ quæ in bello gererentur, ad suos nuntios allaturum.

VIGILANTIS Reipubl. administratoris at subditorum suorum ita habere explorata ingenia vitæque rationem cognitam, ut nullius vel vilissimi inutilem publicis commodis patiatur esse operam.

Vtili-

Vtilitas Reipublicæ è singulis
membris.



*Sed multò magis quæ videntur membra cor-
poris infirmiora esse, necessaria sunt.*

I. Cor. 12, 22.

F 4

MV-

MVS quidam à Nitedula (agresti muri hoc nominis est) inuitatus, ac frugali pisarum ferculo exceptus, percipiens pari eam comitatem beneuolentia compensare, nitedulam vicissim inuitat, atque cum mure ad domesticas epulas properat; limen transgressa, splendidum quidē rerum omnium dapumq; apparatus inuenit; Verum ut inter conuiuandum crebrius à puero penariū ingrediente sua gaudia interturbaretur, adeoq; oppipara ille dapes redderentur insipida, muri his verbis se non magnopere intempestiuo hoc conuiuio delectari declarat; Quanto, inquit, mecum ac securè mihi viuere est incundius, quàm in hac tanta rerum abundantia formidolosis deliciis diffuere!

PRIVATAM curisq; solutam vitā, publicæ multo & securiorem & amœnorem esse monet fabula, tenuemq; mensam nitenti, regisq; dapibus, frugalem vulgi victum multo esse sæpenumero sapidiorem.

Deli-

Deliciæ periculosa, secura frugalitas.



Statim eam sequitur, quasi bos ductus ad victimam, & quasi agnus lasciuens, & ignorans quod ad vincula stultus trahatur.

Proverb. 7, 22.

F 5

AV-

INDVSTRIVS quidam auceps nulli arte sua secundus, cum fors autumnò in arundinetò, aucupij faciendi causa delitesceret, raraq; tetendisset turdis (ut inquit ille) edacibus retia; neque turturi, ut fit, lucri cupidine, minus quàm reliquis insidiatur anibus; eumq; sua subdolè in retia illexisset, à colubro ex arundinetò prorumpète lethali morsu sauciatur, presentisq; mali memoria occupato aucupe, è cassi turtur elabatur; eiq; hisce verbis auolans insultat: Verè nunc fatue quòd tanto astu ac molimine nostra innocentia ac integritati insidiatus sis, pares sceleribus tuis diu ultoribus pœnas rependis, eandemq; in teipso experiere necem, quam nobis molitus fueras.

RATIONI consentaneum est, vt. scelerum suorū ac crudelitatis talionem recipiant, omniumq; ope destituantur, quibus malè aliis facere volupe est.

Insi-

Insidiæ insidiatori insidiosæ.



*Non affliget Dominus fame animā iusti, & insi-
dias impiorum euertet. Prouerb. 10, 3.*

MON-

*Mons quidam maxima accolarū ac prae-
tereuntium admiratione se huc illucq; commōēs,
quamplurimos viatores sistit, alios rei nouitate
ad se videndum excit. iamq; conferta turba audi-
diſſimè quorsum hic assiduus motus euasurus esset,
expectanti, Facessite hinc properè, inquit, quando-
quidem iam iam pariturus sum. quo montis mu-
gitu non modò hominibus, sed & tellure, uti ve-
risimile est, perterrita, dum horrendum aliquod
monstrum opperirentur, murem erigitur, cun-
ctosq; summa antea formidine insoliti aliquid ex-
spectantes, in risum resoluit.*

*Tvm rectè parturire montes dicimus, cūm thraſo-
nica ingenia plenis buccis, spretis cōtemtisq; aliis glo-
riosè de se multa iactitare, reipsa verò non modò nul-
las laude dignas actiones edere, sed tales etiam quibus
se omnib. deridendos propinent, cernimus.*

Falsæ rerum ymbra.



*Vidi impium superexaltatum, & eleuatum sicut
cedros Libani. Et transiui, & ecce non erat;
& quasiui eum, & non est inuentus locus eius.
Psalm. 36, 35, 36.*

PA-

PAVONIS RELIQUARVM ALITVM
REGIS ELIGENDI.

NE AVIBVS suum non deesse regem quenquam turpi quadam inscitia fugiat, sollicitā in eo deligēdo deliberationem hisce fabulis assuā. Comitibus indictis, cum de diversis consultarent, ac pavonis magnificentiam decusq; pennarum consideraret, in eius penē electionē omnium suffragiis consensus est: iamq; regia dignitatis apicē consecutus haud dubie fuisset, nisi solus picus reliquorū rogationibus obsistens, anquisisset, si quid ab hostibus periculi immineret, quonam propugnatore usura essent; neq; enim ea rerū facie idoneum fore pavonē rei administrandæ, cui si pennarum venustatē demas, nihil quod rege (cuius est punire malos ac remunerare bonos) dignū adsit, uti qui neq; viribus niti posset, neq; militaris sciētia cognitione.

FORMAM regiam, si corporis solam dimensionem atq; analogiā consideres, exigua ac penē nulla in principe laude dignam esse, nisi virtutum decus cumulusq; accedant, pavonis elegantia picus conuicit.

Re-

Regis ac magistratus officium.



Vae tibi terra, cuius rex puer est. Eccles. 10, 16.

Beata terra cuius rex nobilis est. Eccles. 10, 17.

BO-

BOVEM habens villicus ac vitulam, splendide hanc otioseq³ saginabat; illum agricolatione ac quotidianis laboribus ita subigebat, ut abdomini coërcendo alio exercitio egeret nullo: adhuc ei insultare vitula lasso ac defatigato domum à laborib³ redeunti consueverat, afflicto dando afflictionem, ærumnosum, uti verè erat, non citra fastidium vsque compellando. at boue paulò post diu beneq³ saginatam vitulam mactandam ad carnificinam deduci vidente, suam conditionem trutinat, ærumnosam felicitatem vehementer laudat; esse hanc laboribus obnoxiam vitam, multis nominibus, vitula voluptuaria præferendam, indicat, eaque seipsum ratione in posterum consolatur.

VITULAE nos exitus hortatur, rarissimè fieri, ut voluptas mærorem secum non trahat; cumque in bonorum ac malorum fine ac felicitate iudicanda tam facile cæcutiamus, nullius nos debere apparenti beatitati invidere.

Dam-

Damnosa & infelix felicitas.



*Qui operatur terram suam, satiabitur panibus:
qui autem sectatur otium, replebitur egestate.
Proverb. 28, 18.*

G

BV-

BUTEONIS ET CORNICIS.

BUTEO cū ostreum in littore maris reperisset, vehementerq; in eo aperiendo laboraret, neque quicquam proficeret, videns id cornicula commodū sibi hic aliquid seri rata, callidū commenta consilium Buteonem accedit, monet ut in altum subuolet, ostreumq; in saxum aliquod delabi permittat, ita fore ut petra illiū, comminuta testa facile aperiatur. Buteo dolum non olfaciens, sed sanum sibi suppeditari consilium arbitratus, dum hac aperiendi ostrei ratione uti conaretur, cornix aduolans, delabens ostreum bolumq; quē tam acide exspectarat, excipit, ac Buteoni præripit.

IN fraudulentis in posterum consiliis facilem nimis aurem præbentes, ac nimium leuiter credentes, quibus hoc plerumque vsu venire solet, ut facilitate sua decipiantur.

Frau-

Fraudulentum consilium.

29



*Consilia impiorum fraudulenta. Prouerb. 12, 5.
Rapinas meditatatur mens illorum, & fraudes
labia illorum loquuntur. Prouerb. 24, 2.*

G 2 AQVI

AQUILÆ ET CORVI.

DUM è conferto opimarum ouium grege fertili latissimoq; cāpo pascente agnū Aquila correptū in aëra auolans sustolleret, atq; id fors coruus ex proxima arbore cerneret, præsumptuosa quadā virium suarum fiducia pessimum aquilinæ rapacitatis exemplum amplexus, pinguisimi cuiusdam arietis dorso inuolans, dum altius ungues cuti defixisset, neque improbo conatui fortuna fauisset, frustra se id attentasse edoctus cui impar esset, auolandi sibi facultate adempta, ab opilione capitur, dignus qui suam graui supplicio violentam temeritatem indolescat.

VLTRA vires nihil cuiquam attentandum est, ac meminisse oportet eos qui præcipiti audacia quiduis aggrediuntur, se ipsos suaq; omnia perdere: atque ut sapientissimi Epicteti sententiam superiorib. connectā, si quam personam quæ vires tuas superet indueris: tum eam indecore geres: tum eam quam sustinere posses, negliges.

Vti-

Vtilis sui ipsius notitia.

101



Altiora te ne quaesieris, & fortiora te ne scrutatus fueris. Eccles. 3, 22.

G ;

GAL-

GALLI GALLINACEI GEMMAM

INVENIENTIS.

GALLVS gallinaceus pabulū in fimeto qua-
ritās, pretiosissimū sorte adamantē inuenit: quem
cū rostro aliquoties pinsuisset, neque ullum ex
eo ad se commodum permanaturū disceret, ut-
pote quem nec comminuere, nec in suam alimo-
niam conuertere posset, indignabūdus eum asper-
nari, triticiq; vel siliginis granum ei longè ante-
ferre incipit. Ecquis, stomachanter inueniens, hu-
ius gemma usus? cur illa est mortalibus in pretio?
cur eius causa ultimas terras tanto cum pericu-
lo explorant? mihi sanè nunc penitus, quotquot
eam tanti faciunt, desipiunt, neq; vident quan-
tum vnicum frumenti aut adorei seminis gra-
num isti præstet.

CVM fabula lippis & tonsorib. sit notissima, neque
vlla alia quæ vulgo sit familiarior, mirandum est, nul-
lius minus vsum persentiscere homines: quot enim
quotidie reperire est, qui non quiduis temeraria quadā
ignorantia calumniētur ac vilipendant, eoq; doceant
populari sermone tritam hanc sententiam esse verissi-
mam, Scientia non habet osorem nisi ignorantem: ne-
que hallucinatum poëtam cū diceret,

Ignoti nulla cupido.

Igno-

Ignoratus opum vfus.



*Quid prodest stulto habere diuitias, cum sapien-
tiam emere non possit? Prouerb. 17, 16.*

G 4 APRI

APRI ET ASINI.

APER quondam Asino tarditatem atque somnolentiam obiectans, Videri sibi ait eò natū, Ut in bustuariis ac inter fœtida cadauera Vitā degat, indignum qui cum reliquis animantibus conuersetur, aut quem ad suos etiam homo usus, licet vilissimos, adhibeat; propriam autem agilitatem ac vires inuidiosa laude decantat, ac cursu etiam pernicitatis specimen edit: asinus gloriosam apri ostentationem, atque immodicas laudes nauseans, Ea mihi, inquit, pedum agilitate opus non est, cuius Vita, Ut tua, insidiatur nemo.

DISCIMVS eos ut plurimum multis rationibus esse feliciores, securiusque vitam traducere, qui vel ob animi tarditatem doli expertes sunt, vel quòd publicas functiones ac Reipubl. administrandæ munia eiurarent, non magis opere popularem auram consecretantur, his, quibus vberem natura ingenij sagacitatem condonauit.

Stoli-

Stolida ac inutilis præsumptio.



Quid nobis profuit superbia? aut diuitiarum in-
Etantia quid contulit nobis? Sap. 5, 8.

G. 5

DVEL-

DVELLI VOLVCRVM, QVA-
DRVPEDVM QVE.

CVM inter aëreas terrestresq; bestias graue quondam periculosissimumq; bellum, aut de pomceriorum ac imperij finibus propagandis, aut damni iniuriare ab alterutra partium alteri illata (incertum enim adhuc est, ac vetustate oblitteratum, qua fuerint discordia belliq; semina) exarsisset, Vespertilio Volucrū generi tamquam debiliori metuens, diu anceps, quadrupedib. se demū adiunxit: Verūm auibus victoriam fortuna suppeditante, fugam unā cū quadrupedibus capessit Vespertilio, atq; ex eo ob infidelitatē suam, non ausa ad aues remeare, interdū perpetuò delitescit, ac noctu male sibi conscia, euolat.

IN scelestos ac improbos proditores, quos vtinam etiam hoc tempore pudor ac criminum conscientia ex omnium oculis eximeret, obiter & in mercenarios illos homines, qui nulla æquitatis habita ratione, duarum controuerfarum partium hanc tuendam suscipiūt cui fortunam magis comitem, quā ducem virtutem fore sperant.

Infi-

Infidelitatis comes infamia.



Qui non est mecum, contra me est: & qui non congregat mecum, spargit. Matth. 12, 30.

Omnis qui malè agit, odit lucem. Ioan. 3, 20.

RA-

RANARVM ET REGIS EA- RVNDEM.

A N A R C H I Æ ne an Democratia; neque enim illud certò ausim assenerare, alterutrius certum est; pertaxa ranae, regem sibi à Ioue postulabāt. ille rogantium crebris precibus ac importunitate fatigatus, annuit, truncumq; è calo in mare deturbat: qui cùm regis auspiciis atque magnificentia regni gubernacula suscepisset, moderatig; ac indulgentis regis personam præ se ferret; rana noui atque insigni humanitate conspicui regis faciē contemplata, non se talem regem qui ex animis sit poposcisse aiunt: ac poscentibus alium, ardeam ipsorum regni, pacati antea ac tranquilli, depulatorem, ob ingratitudinem, mittit Iupiter.

Q V A N T V M Reipubl. intersit optimos habere principes, quantoque sint regnis vsui, & quàm ex aduerso sanguinarij & crudeles graui ruinae, ex hac liquet fabula, quæ & seruilem eorum taxat animū, qui moderata popularis imperij dulcedine (vtri olim Israëlitica gens Iudicum administratione) pertaxi, monarcham ac regem sibi efflagitant.

Pœna populi ob fastiditum bonum principem.



*Qui regnare facit hominem hypocritam propter
peccata populi. Job 34, 30.*

LVPI ET CAPRÆ.

PABVLATVM Capra abiens, obseratis foribus capella seriò mandat, ne cui pulsanti ostiũ patefaciat: id fors in insidiis latens lupo ignara matre audierat, ratus idoneam eius absentiam sua nequitia fore. è Vestigio ad caprile properat, ostium pulsat, intromitti se postulat: Capella autem materni mandati non oblita, cum per fenestram ecquis esset aut quid vellet percontaretur; matris hypocrita personam induit, cupere se intromitti illa se cuiquam aperturam negat, qui nõ consuetum matri symbolũ proferat. lupo se quidem eius oblitum ait, at ut intrepidè aperiat instat. capella aliquid ali monstri suspicata, identidẽ pernegat, additq; quòd illius duntaxat clavis prasidio aperire possit, ac destitutam se symbolo modum simul aperiendi oblitam esse.

HA V D. facilè fallitur qui legum præscriptis morem gerit atque obtemperat.

Tu-

Tuta filiorum erga parentes
obedientia.



*Honora patrem tuum & matrem tuam, ut sis
longeuus super terram. Exodi 20, 12.*

*Alicui non sequuntur [puta oues] sed fugiunt
ab eo: quia non nouerunt vocem alienorum.*

Ioan. 10, 5.

CA-

CANIS AB VMBRA DECEPTI.

INCEDENS per pontem canis, nec asper-
 nandum mordicus ore carnis frustum gestans, cū
 maiorem suo solis radiis admodum collucentibus
 in amne umbram cerneret, esse quid magnum
 ratus, dimissa carne, anidē ē ponte in aquam id
 quod apparebat apprehensurus desilit, ac serō stoli-
 dus opimo epulo amisso se deceptum conqueritur:
 nemini ne fortuna quidem suam iacturam im-
 putans, sed caca sua auaritia acceptum referens,
 quòd tali prandio priuatus esset.

MULTO satius est paucissima certò ac indubitatè
 possidere, quàm plurimorum incerto ac ancipiti casui
 obnoxiorum spe, quibus fruetis bonis, ea deserere, fe-
 raque damni perpeSSI pœnitentia, amissam fortunam
 ac pristina commoda collaudare.

Stul-

Stulta certi pro incerto com-
mutatio.



*Avarus non implebitur pecunia: & qui amat
diuitias, fructum non capiet ex eis.*

Eccles. 5, 9.

H

LI-

LIGNATORIS ET SYLVÆ.

A S C I A M Lignator quidam destitutam manubrio inuenerat: eam suis usus accommodaturus sylvam continuò adit, lignū aliquod quod ei iniungeret, emendicaturus. obsecrantem sylvā audit, votiꝫ reddit compotem, unico quod petebat ligno liberaliter communicato, ignara interim improbum ullas animo texere fraudes, aut versare dolos sub pectore, fucata blādaꝫ fronte: inserto dein securi manubrio veluti phrenesi percitus ad nemus reuertitur, atque exiguo temporis spatio casis amputatisque uniuersis arboribus summam ei vastitatem inducit.

I N C O N S I D E R A N T I A E non modò sed & furori extremo persimile est, hosti arma suppeditare, quibus in nostram ruat perniciem: atque præpostero obsequēdi gratificandique aliis affectu nosmetipsos perdere.

Sup-

Suppeditata hosti arma.



*Benefac humili & non dederis impio ; prohibe
panes illi dare, ne in ipsis potentior te sit. nam
duplicia mala inuenies in omnibus bonis qua-
cumque feceris illi. Eccles. 12, 5.*

H 2

GRA-

GRACVLI PAVONVM SE PLV-
MIS EXORNANTIS.

GRACVLVS inuentis in dumeto quodam
pauonū plumis, ita se demū & pauonis nomē &
dignitatem consecuturum existimat, si suis eas
pennis inseruisset. neq₃ segniter id quod animo con-
ceperat re ipsa exequi conata, pulchrè eas sibi affin-
git assuitq₃, atq₃ audacula latituram se personatā
pauones sperans, eorum ingerit consortio: at ipsi
hunc qui fraude in suum nomen ac societate irre-
perat, vel ex fastu atq₃ arrogantia insolita con-
ditionis cognitum, suis quilibet plumis repetitis è
suo cum ignominia exturbant contubernio. gra-
culus ad suos reuersus tantis excipitur dictis,
quantis ab illis fuerat explosus, quod vana quidē
præsumptione his se pratulisset, eorum autem se so-
dalitio aggregasset, quorum consuetudine indi-
gnus erat.

IN laudis ac gloriæ immodicos affectatores, qui vel
cum ignominia aliundè mutuāt quo suam vanitatem
aliis venditent.

Fastus ex alienis opibus.



Quid autem habes quod non accepisti? Si enim accepisti, quid gloriaris quasi non acceperis?

1. Corinth. 4, 7.

H 3

CER-

CERVVM canes insecuti cùm in extrema adigerent, stabulum ille capeſſit boum, eorumq; ſupplex contra canum rabiem tutelam implorat. cui boum quidam ita petenti reſpōdet: Ah te miſerum, viden' quàm tibi debiles eligas vindices? attamen cùm in extrema deuentum ſit, reconde te in hoc feno, nos te obiectis corporibus quantum licuerit occultabimus. ingreditur interea magiſter ſtabuli, ac ceruum ſtudioſè inueſtigatum multis Verberibus emollit enecatq;.

TVM verè poteſt dici ad reſtim rediſſe res, cùm calamitoſi eorum qui ad extrema redacti ſunt, neque minori quàm nos, calamitate obruuntur, opein imploramus, adeoque eſt deploratorum infortunata conditio, vt quamuis diu ſeipſos fulcire ac ſuſtentare conentur, ad extremum tamen miſeriæ ſuccumbant, neque è calamitatis gurgite eluctari poſſint.

De-

Deploratum ac desperatum
aũxilium.



Et dixerunt: Non videbit Dominus.

Psalm. 93, 7.

Intelligite insipientes in populo: Qui finxit oculum, non considerat?

H 4

LEO-

LEONIS PRÆDAM ASSECLIS
VENATIONIS DISPERTIENTIS.

LEO famelicus cū vestigatore cane, lupo ac vulpe ad venationem proficiscitur; eiꝰ cervus fit præda, quē quadrifariam hac vel simili (ne quid ei falsò affingamus) oratione sociis diuidit: Vestrū nemo est, sodales, qui sibi & generosissimi & iure caterorū animantium regis leonis virtutes exploratas non habeat, aut qui ei tātis dotibus prædito, ut reliquis longo intervallo præstet, mercedē digno inuideat: quocirca cū in expeditione primus fuerim præda diuise, mihi primā partē vendico: alterā propter animi præstantiā: tertiā vel vestro iudicio corporis virib. debetur: quartā quòd maiori vos conatu prædam cōsectatus sim: quod reliquum est, vestra sit industria præmium.

MULTA dissimulare, multaꝰ tolerare eos necesse est, qui in principū versantur aulis, neq; hostantū, verū etiam tenuioris fortunæ homines, qui ditiorū cōsuetudine vtuntur, ut appositè admonuisse videatur poëta,

Pauper agat cautè, caueat maledicere pauper:

Multaꝰque diuitibus non patienda feret.

Inæqualium infida societas.



*Pondus super se tollet, qui honestiori se communi-
cat. Et ditiori te ne socius fueris. Quid com-
municabit cacaibus ad ollam? Eccles. 13, 2, 3.*

H 5

LV-

OVI diem dicit lupus, *litemq;* debiti nomine intendit: illa contra suo iure *Usa* indebiti sese exceptione tuctur. lite contestata ad *testium* *asylum* confugit lupus: canem igitur, miluum, *Uultu-*
remq; eodem omnes rapacitatis canterio iniustos, contra ouiculam subornat. ita illi contra *misellā* dicunt *testimoniū*, ut non modo lupo debere *per-*
fide mentirentur, *Verumetiam* dignam esse *pro-*
nuntient, qua omni sua fortuna, facultatibus ac possessione deturbetur, ac morte etiam debitū luat. illa crudelem ac pertinacem potentiorū vim *for-*
midans, nequiquā se defendere conata, atroci *ca-*
lumni *antium* iudicio opprimitur.

INIQVORVM iudicium insignis contra innocen-
 tes malitia ac corruptæ sententiæ hac fabula perstrin-
 guntur; quanta item sit pseudomartyrij seu falsi testi-
 monij contra innocentium bona, opes ac vitam deniq;
 ipsam vis, innuitur.

Inno-

Innocentia iniquo iudicio oppressa.



*Non facies quod iniquum est, nec iniuste indica-
bis. Non consideres personam pauperis, nec
honores vultum potentis. Iuste indica proxi-
mo tuo. Levit. 19, 15.*

LE-

LEPORVM PANICO TERRORE
PERCITORVM.

LEPORES è densissimo quodam nemore maxima vi ventorum tempestatumq; agitato, subito terrore commoti dum diffugerent, sit ut attonitis incerta fuga palantibus sese palus vanis scatens offerret; aquam ea fortè maximo numero ad solem apricatura egressa, in littore consederat: at leporum inopinato aduentu exterrita in aqua sese abdunt. quod dum conspicerent lepores, & has maiori impetu quàm ipsi antea, diffugere animaduertèrent, ex timore sese colligunt, sumptisq; animis, sistamus nunc gradum, inquiunt, quando hic etiam animantia esse comperimus quæ nostri metu fugam capiant.

IN timidos & meticulosos milites qui abiectam hastam ac parmam tunc resumunt, cùm hostem terga obuertere vident, tum maximè strenui vbi se extra periculum constitutos esse certò sciunt.

Infra-

Infamis audacia.



Nolite timere eos qui occidunt corpus, animā autem non possunt occidere: sed potius timete eum qui potest & animam & corpus perdere in gehennam. Matth. 10, 28.

VVL.

VVL PIS ET VVAE RACE-
M O R V M.

VVL P ES *delitescantibus sub pampinis maturrimarum uvarum racemis uisis, loci fertilitatem amoenitatēque ubi ea enascebantur mirum in modum coepit cōmendare, ita ut prope modum ad earum laudum cumulum accedere nil posset. at cū in decerpēdis liuidioribus praestantioribusq; admodum laboraret, nec quicquā de ea industria reliqui fecisset, non satis autē pro voto conatus succederent, sed irritam suam fore operam experientia disceret, quas modo summo desiderio ambinerat, immaturas iam agrestesq; calumniatur, suamq; in ea solitudine (quo nomine uinetum per indignationem nominat) agrestes consectando uvas, male insuntam increpat industriam.*

NOTAT eorum uafritiem fabula, qui cū ea consequi nequeāt quibus maximo labore ac indefesso studio incubuerunt, occasione ē quauis re captata, falsa quadam calumnia aspergunt.

Ficta

Ficta eius quod haberi nequit
recusatio.



Fatuus statim indicat iram suam: qui autem dissimulat iniuriam, callidus est.

Proverb. 12, 16.

BALANITES (sic enim Plinius grandiorū castanearum genus nominat) cocum prunis supposuisse notarat simius : quas cum percipide bene tostas appeteret, neq₃ eximēdi modum inueniret; catulum felis negotio destinat, eius pede anteriori arrepto castaneas ex igne profert. illa astus vim persentiscens cum simio ex postulans, adeò sibi atque simio teneram esse cutem asserit, ideoq₃ ex seipso debere se capere exemplū infirmitatis alterius. simius paucis eius querelas eludens, se quidem non ire, respōdet, infitias, habere præsens aliquid difficultatis negotium, ceterum se non debere eum laborem qui minimus sit omnium, detrectare, quòd iniquum sit otiosè quenquam vivere.

CALLIDI ac simulatoris simij per similes sunt, qui in grauissimis periculis priuatæ utilitatis causa aliorum vel cum extremæ vitæ discrimine pulchris persuasionibus inductorum opera vtuntur, ne pili quidem alienam iacturam facientes, dummodo ipsi extra fortunæ aleam constituti sint, atque ex alieno damno lucrum faciant.

Lucrum aliena iniuria partum.



Hi sunt in epulis suis, macula, cōuinantes sine timore, semetip̄os pascentes, nubes sine aqua quæ à ventis circumferuntur. Epistola Iuda 12.

I EQUI

EQVINVS pullus assiduis quidem ac quotidianis laboribus, sub miti tamen ac clementi domino exercitatus, suam deplorabat conditionem, neque esse quicquam suo iudicio arumnosius autumabat. qua cum eius animum opinio vehementer exagitaret, vitæq; rationē asperiores redderet, incidit fortuito in obsoletum quendam asinū, cui quamuis præter venustatem corporisq; deperditum vigorem ipsa ætas oneri esset, carruca nihilominus admodū onusta antilena imposita iuncto, durus agaso insidebat, verberibusq; immanter propellebat. quo conspecto sua & asini sorte comparata, ita è vestigio omnem ex animo molestiā deponit, ut simul se consuetis laboribus & molestiis liberasse videretur, ac facilius in posterum suam conditionem ferret.

HAVD mediocre miseriarum est solamen, socium non modò habere pœnarum, verumetiam nobisipsis grauius videre subinde premi alios.

Leuior calamitas ob maiorem
proximi.



Christus passus est pro nobis, vobis relinquens exemplum, ut sequamini vestigia eius.

1. Pet. 2, 21.

I 2

FER-

OPEROSIS ac cōtinuis laboribus faber quidā ferrarius parcè ac duriter victitans, ita ut nudopane & aqua sustentaretur, catellum suum assuefecerat, ut statis horis interdum prandium coenamq; postularet: ipse tandem ingravescentis ætatis onere, laborū assiduitate, tenui victūs parsimonia impatientior factus, suū his verbis canem adoritur: Ego meipsum inexhaustis quotidie laboribus ut vivā eneco, carneq; ac sanguine absumtis sola cute osibusq; veluti in ergastulo animam infelicem excrucio: tu otiosus indulges genio, ventrē curans, pingui omaso obesus evadis. at ab obloquente cane nil aliud fert responsi quàm, qui deliciis ac quieti assueverit, eaq; ratione incundissimè tēpus traducat, cur is laboribus ætatem fallere debeat?

TALE est glotonum ac lurconum genus qui ex aliorum sudoribus otiosè vivere non erubescunt, illudque perpetuò obganniant,

— Deus nobis hac otia fecit.

Indignum ex alieno labore otium.



*Nam & cum essemus apud vos, hoc denuncia-
bamus vobis: quoniam si quis non vult ope-
rari, nec manducet. 2. Thess. 3, 10.*

I 3

VVL-

DVM villici cuiusdam stabulum venatura fors quippiam subiret vulpes, atq; se in manifestum adeò discriminē coniecisset, ut cauda ab insequenti villico resecta, metus gaudiq; ob pristinā periculi memoriam & insperatam salutē plenissima elaberetur, ad suas κομῆριον monstrū gregales reuersa, magnam se venustatis partē perdidisse animo versans, solamq; inter reliquas singulari ignominia nota insignitā, appetuisse ait tēpus quo vulpibus infame sit gestare caudas, ideoq; se suam amputasse, ac reliquis ut idē faxint, consulere. At vulpinam vulpes fraudē odorans, quadamē grege ita regerit: Scilicet tibi id tēpus appetiit, quo tuo exēplo discant reliquæ si tibi ista cauda recreuerit, tuas illas pulchras nates non iri visum in posterum quæ nunc omniū patent oculis.

EA EST humanæ mētis scelerata ac deprauata natura, ut in quā eam fortuna miseriam deturbauit, huic aueant omnes esse obnoxios.

Confli-

Consilium ob rem priuatam im-
pertitum.



*Grauis est nobis etiam [puta iustus] ad videndū;
quoniam dissimilis est aliis vita illius, & im-
mutata, unt via eius. Sap. 2, 15.*

HALIÆTI SEV FALCONIS ET ALIARVM AVIVM.

NATALEM suum diem celebraturus Haliaetus, solennem omnibus anibus diem edicit, maximisq; precibus ad eam omnes inuitat, ne frustra fecisse sumtum ac festas instruxisse dapes ullis conuiuiis videatur: illa veluti è profundo quodam somno lato nuncio excitata, non modò Haliaeti liberalitatem non aspernantur, sed se etiam fore insigniter iudicant ingratas, si vltro offerentis beneficiū humanitatem nō amplexarentur. ac heu nimium credula ad ipsius ades aduolant, omnia gaudij letitiæq; sperātes fore plenissima. at per infastum limen. Vixdum ingressas ferus Veterator immaniter ad unum omnes dilaniat: discerpitque.

VOLVPTATES corporisq; illecebras dolor indiuuus comes vt plurimum veluti vmbra corpus sequitur: atque hac ipsa, vt ex Platone recitat Cicero, esca malorum homines veluti hamo pisces capiuntur.

Melli:

Melli mixta venena.



*Sepulchrum patens est guttur eorum: linguis suis
dolosè agebant. Psalm. 13, 3.*

*Quorum os maledictione & amaritudine ple-
num est: veloces pedes eorum ad effundendū
sanguinem. Psalm. 13, 3.*

LEONIS DECREPITI.

PATRABAT Leo quidam virenti ac florida etate quamplurima mala, omnibusq; erat iniurius: qua vita ratione cum sibi decrepito omnium animantium invidiam odiaq; conflasset, viribus destituito impune omnes insultabant: neque ferè erat quisquã qui ei amplius veluti regi, uti metu quondam fecerant, obsequiũ obedientiamq; præstaret: quin etiam sus modò lutulentus, modò glaber depilisq; asinus, & agresti corpore taurus, omni contumelia iniuriarumq; genere afficiebant. Qua rerum conditione cum se veterẽ compẽsare malitiã liquido cognosceret, Hei me, inquit, infelicẽ, pessimẽ olim meis rebus consului quòd tanta in me multitudinis odia concitarim, quòd tot aduersum me hostes mea crudelitate armarim.

MEMINERINT viri principes, atque ij qui rerum potiuntur, vicibus ac mutationi suam sortem esse obnoxiam, nihilq; equè valere ad suam potentiã labefactandã quàm impotentẽ dominandi libidinẽ, ac suæ fidei creditos metu in officio continere. καὶ τύχας ἐξημέρους καὶ ἐφήμερον τυράννιδας esse, & fortunæ rotam perpetuò versatilem nunc ad summaimos subuchere, nunc summos ad ima deprimere.

Odium

Odium crudelitate demeritum.



*Qui te viderint, ad te inclinabuntur, teq₃ pro-
spicient: Nunquid iste est vir qui conturbavit
terram; qui concussit regna? Isaia 14, 16.*

HIR-

DVM se mutuo amicitia sacramento hircus & agnus iter unà ingressi obstrinxissent, in amœnissimo quodam prato lupum offendunt: qui cum utriusque aliquandiu societatem contemplatus esset, ac dulcibus verborum lenociniis agnū ab hirco abducere conaretur, Hunc desere, ait, mi fili hircum, meaq; fructu consuetudine; nam præterquam quod gravem odorem atque mephitim exhalans omnibus oneri sit, en cornutus est æstroq; percitus te crudeliter quandoque enecabit. dum in eam sententiam agno lupus blandiretur, actutum, inita amicitia memor, hircus accurrit, lupoque, apage te hinc cū malis tuis artib. ait, vel hocce loco nobis improba tua astutia, ac verborum fūco quæ fellis plus ac minarum quàm mellis habent, haud tam facile imponi comperies.

IN portu is verè nauigat, qui improborum inanibus susurris contentis, bonorum sese consortio perpetuò adiungit, atque is sibi demum quod è procelloso mari ac tempestatum salo eluctatus sit, maxima syrti superata, in fida statione iactarit anchoras, cōgratulari potest.

Soda-

Sodalitium cautè prudenterque
delectum.



*Fili mi, si te lactaucrint peccatores, ne acquiescas
eis. Prouerb. 1, 10.*

*Cum viro sancto assiduus esto, quemcumq;
cognoueris obseruantem timorem Dei, cuius a-
nima est secundū animā tuā. Eccles. 37, 15.*
MVS-

MUSCAE ET FORMICAE.

IAC TANTI suum apud Formicam musca domiciliū victusq; rationem ita splendidā ut regium ferè luxū adequaret, demissa ac humili voce formica sibi pro vita sustentatione multos esse exantlandos labores respondet, nihil quies ac otiosa domināsci: musca verò elatis verbis magis urgens, equina similem eam esse vitam regerit, quæ sit perpetuis laboribus obnoxia. ac perbellè à formica ita repellitur: At est canina illa tua ignavorum porcorū simillima, dum impudenter aliorum sudores absumis, nec cuiquā mortaliū commodas. age verò utra ambarum vita rationū prastantior sit, eventus ipse docebit. Hiems paulo post utriusque altercationem appetit, qua musca egestate moritur, at formica è congestis æstate seiminum acervis atque annona industriè curata, frugali seipsam victu nutrit.

Q V V M in mortaliū vita otio ac desidia nihil turpius sit, monet formicæ sagax diligentia quemque pro vitæ suæ ratione vel minimo etiam commercio honestè potius victitare debere, quā malorum fomite ignavia ac egestate perire.

Iucundum perperam prælatum vtili.



*Vade ad formicam ò piger, & cōsidera vias eius;
 & disce sapientiā : quæ cum non habeat ducē,
 nec præceptorem, nec principem, parat in asta-
 te cibum sibi, & congregat in messe quod
 comedat. Prouerb. 6, 6.*

DRA-

DRACONES adeò vasta ac insolite magnitudinis in Africa nasci memoria traditū est, ut certamen cum elephantis inire audeant. ex hoc belluarum genere elephanto quidam congressus cum eū interimere conaretur, multiplici nexu implicitos poplites cauda innodat: at elephas se proboscide à dracone liberat. mox ei draco in collum inuolat, ratus famelicæ sanguinis siti restinguenda istum præ cæteris locum esse peridoneum; ac sanguinis haustu sic eum conficit, ut nimio quæ eliciuerat cruore turgidus inflatusq; in terrā prior corrueret, atque ab elephante, sanguinis exhausti copia & veneni acrimonia debilitato, labēte, opprimeretur; atque adeò plus sibi ipsi draco mali conscisceret quàm elephanti intulerat.

QVAMVIS tyranni subditorum immaniter carne ac sanguine pascantur, ipsi tamen ad extremum multo acerbiori quàm qua affecere alios, crudelitate malè pereunt.

Iusta

Iusta tyrannorum punitio.



*Tu vero Deus deduces eos in puteum interitus.
 Viri sanguinum & dolosi non dimidiabunt
 dies suos. Psalm. 54, 24.*

K

VRSI

MEL *Ursus ex aluearibus depastus cum ab apibus pungeretur, doloris impatiētia iracundē aluearia euertit; quod dum facit, non paucarū aliquot apum sed omnium in se aculeos cōuertit, ac multo quidem quā antea pungitur grauius, at doloris vim fert lenius. Ac rostro quidem, superciliis, auribus, oculis totoq; capite ad eū modū sauciis, ut momentaneam voluptatē ingenti nimium dolore comparasse posset dicere. Quanto, ait, mihi fuisset satius & ad praesens, quo iā excrucior, malum euitandum securius, unius apicula, mea nequitia ac iniuria pronocata punitionem tolerasse, quā vindicta cupiditate tam graues mihi poenas consciscere.*

QVAMVIS vindictę quandoque locus sit (maximē si dii ultores nostras iniurias prosequantur) praestat tamen perpeti subinde quippiā quā nimis esse ad vindictam procliuem.

Infortunium sibi ipsi accersitum.



Quis adiiciet enarrare misericordiam eius?

Eccles. 18, 3.

K 2

COR.

CORVI ET SCORPII.

CORVVM similiter vindicta nimia ac immatura cupiditas frustra, quia serò nimium, iustum quandoq; dolorem dissimulandum esse, docuit. Namcùm fors à Scorpione iētus esset, atque eum iniquiori animo dolorem ferret, raptū scorpionem in sublime sustollit, illati fors damni talionem redditurus. qui dum ita gestaretur, iteratò eorum tam graviter pungit, venenataq; cauda ferit, ut lethale virus acrēq; toxicī vim per eius membra diffunderet, & vitam ei adimeret.

PERICVLOSVM est vel improbo peiorem se agredi: crebroque fit, ut qui malum aliis machinantur, suo parent capiti insidias, atque ab iis superentur quos se superaturos sperabant.

Per-

Perniciosa vindictæ cupiditas.



*Ne dicas, Quomodo fecit mihi sic faciam ei: red-
dam unicuique secundum opus suum.*

Proverb. 24, 29.

K ;

LV-

LVPI OVINAM PELLEM
INDVTI.

OVINAM lupus, dum Proteum mutatione forma imitatur, Vafre indutus pellem, ouium se gregi adiungit, ac diu quidem opilionem latuit, ad pastum cum ouibus exiens, atque à pastione ouis in morem ad caulam remeans: quo astu cū plurimis ille diuersis temporibus Vitam ademisset, ac opilioni numerum pecudum minorem perpetuò recensenti, aliquandiu simulator imposuisset, detecta tandem fraude ipse agnitus nil suis sceleratis artibus profecit, Verum eodem habitu quo fefellerat de arbore suspenditur, ac dignus omnium prateruentium calculis (qui primo visu ouem rati, mox lupum agnoscebant) eo supplicij genere, veluti qui condignam operibus mercedē meruisset, iudicatur.

PHALERATA ac picturata virtute multi præditi sunt, quos si intus & in cute consideres, mortalium dicēs sceleratissimos. quod hominum genus eò est perniciosius, quo serius deprehenditur, pluresq; honesti specie decipit.

E fru-

E fructu arbor cognita.



*Attendite à falsis prophetis qui veniunt ad vos
in vestimentis ovium, intrinsecus autem sunt
lupi rapaces. Matth. 7, 15.*

K 4

LV-

QVVM lupus quidam famelica rabie Erinacium denotare avidè cuperet, neque sui desiderij perficiendi modum aut viâ, quod hirsutis spinis toto corpore contra omnem vim ac hostilem impetum optimè munitum cerneret, inueniret, aliam qua ei illudat stropham comminiscitur. Veteres inimicitias sopitas esse asserit, pacata omnia, pacem autem violare religiosum esse, rogare se itaque ut armis depositis, crudeli Marte ac belli artibus, quarum tranquillo ac florenti imperij statu usus nullus sit, supersedeat, atque funesta arma deponat, neque se lupum qui nulla nocendi libidine, sed iuvandi studio eò accesserit, metuat. Erinacius, qui cautè metuendū potius quàm presumtuosè audendum didicerat, arma quæ in nullius se perniciem, sed suam contra sicarios tutelam gestare assererat, deponere recusat.

TECHNARVM architectis & fraudum structoribus haud facilem esse aurem accommodandam, Erinacij prudenti monemur pertinacia, neque verborum lenociniis temerè credendum.

Spreta inimici lenocinantis fallacia.



*Sobrii estote, & vigilate, quia adversarius vester
diabolus, tamquam leo rugiens circuit, qua-
rens quem deuoret. 1. Pet. 5, 8.*

K. 5

SER-

SERPENTIS ET ERINACII.

PRECARIO à serpente Erinacius per hie-
mem commorandi diuersorium obtinet, atque ab
eo in domesticā consuetudinē adhibetur, nullo ipsi
eorum commodorū denegato, quibus serpens frue-
batur: at erinacius indulti sibi grauissimo ac dif-
ficillimo tempore beneficij immemor, dum sese in
globum conuoluit, atque in hanc modò, modò illā
in partem rotat, praterquā quod importunus ad-
modum serpenti esset, spinarum acumine crebris
punctionibus tenuem eius glabramq; cutem gra-
uiter sauciat. Vnde serpens illum, hospitalita-
tis beneficium ingrato collatum exprobrando, ro-
gat, uti inde secedere, alioq; commigrare velit.
at erinacius impudenter in has prorumpit vo-
ces: Quando tu meam presentiam tolerare ne-
quis, ipse hinc excedito. itaque mutato loco serpens
coactus habitandi ius cedit erinacio.

IN hoc hominū genus quod cū extremo mancipa-
tui addictum sit, herile sibi tamē (nescio quo fastu) im-
perium vsurpat, ij vt plurimum incidunt, qui assentan-
tia aliorum verba nimis facili aure excipiunt, atque in
indignos beneficia profundunt.

Improbi consortij molesta
consuetudo.



*Non omnem hominem inducas in domum tuā:
multa enim sunt insidie dolosi. Eccles. II, 31.*
CHA-

CHAMÆLEONTIS.

CHAMÆLEONTA *ære pasci traditum est, adhuc patentibus perpetuò oculis, acutisq; Ungulis esse, atque ad rerum singularum obiecta colorem mutare, & cum omnia χρωμάτων admit-
tat genera, solum rubrum candidumq; respicere.*

EDACIVM parasitorum, ut epitheto Horatiano vtar, assentatorumq; idem propemodum est ingenium, qui cum nihilo vitam ducere videantur, potentiorum interim domos principumque aulas frequentantes, vanitatis ac novitatis avidorum aures confectis rumoribus titillant, ditioribusq; nequitiae suae fumos vendunt, atq; ita recta ac fucata mendicitate sibi victum quaritant, quæ hominum ad voluptatem loquentium faex, cum cothurno sit versatiliior vel chamæleonte mutabiliior, iure ex bonorum consortio exterminanda est, frontem enim cum perficuerint, neque erubescunt neque pallescunt: dolendum tamen cum primis est melioribus preceptis imbutos viros huiusmodi nugatores in deliciis habere, rudioribus enim qui ad omnia cæcutiunt, & aulica assentatione assuetis aliquid indulgendum est.

Frau-

Fraudulentæ vitæ inconstantia.



*Qui dicunt impio, iustus es: maledicent eis populi,
& detestabuntur eos tribus.*

Proverb. 24, 24.

ARIE-

ARIETIS ET TAVRI.

INSIGNIS quidam in ouium grege Aries cum vastioribus cæteris cornibus à natura munitus esset, adeò superbum ac seuerum in reliquas oues sibi imperiũ vindicabat, ut vel seorsum ab eo pasceretur, aut sibi ad pascua venienti primas semper tribuerent. quæ ouium erga se reuerentia metuq; factus insolentior, vel eò processit vesana præsumptionis, ut sibi promiscuè reliqua pecora obtemperaturum autumaret. itaque vincente temeritate prudentiam, conspectum fors taurum ad pugnam prouocat, à quo primo etiam concursu humi prostratus neci deditur.

HOMINVM maxima pars, eorum etiam qui nulla dignitatis nota insigniti sunt, sui suarumq; viriũ oblita, vbi se minima aliqua re præstare cæteris vident, aut functionem aliquam adepta est, non modò æqualibus intolerabilis existit, verum etiam fastu turgida maximo suo damno potentiores aggreditur.

Tu-



*Arrogantia tua decepit te, & superbia cordis tui:
qui habitas in caavernis petrae, & apprehende-
re niteris altitudinem collis. Jerem. 49, 16.*

GAL-

QVAM ardens suos tutandi studium gallina natura ingenerarit, cum Christi testimonio, tum quotidiana experientia exploratū habemus. quare extrema cuiusdam negligentia simillimum foret, huius adēo fecundi animantis ac sollicita matris in hoc mythologiarum theatro obliuisci. Videtis quanta illa diligentia, dum ē rapaciū accipitrum genere tres alites pullis insidiantes caueam circumuolitant, excubet; quā eos strennuē à cauea & simul fectuum raptu arceat: quātōq; studio propria salutis neglectu in carissimis pignoribus seruandis utatur, ut ea etiam prater veri propemodum fidem ex tot. validorum hostium unica ungulis faucibusq; eripiat.

TYPM magistratus gallina gerit, suoque exemplo luce meridiana clarius ostēdit, his qui aliis præsunt ex officio incumbere, innocentium animas facultatesque contra prædonum insultus tueri, eosque qui quacumque ratione oppressi sunt, erigere.



*Discite benefacere; quarite iudiciū; subuenite
oppresso, iudicate pupillo, defendite viduam.
Isaia I, 17.*

L AGRI-

BIBVLVS quidam Agricola fœcundis à pæcro assuetus calicibus, cum fors natalē celebra-
ret, ac Lyæo distentus, festum præ foribus ignem te-
mulentus strueret, vento supra modum seniente
domum succendit; quā, dum incendium depasci-
tur, unā quicquid in ea animātis erat, nullo ignē
amoliente, concrematur, præter unicum murem
qui periculum euaserat, atq; extra domum con-
stitutus fugam adornabat. hic igitur à minimè
segni agricola, ut qui præsentī damno percussus,
crapulam atq; ebrietatem concoxerat, captus in
ipsum incendium hac exprobratione cōiicitur: Ah
ingrate qui mihi assiduus in deliciis uiuenti fuisti
comes, siccine iam afflictum deserere conaris?

PROSPERA ac secunda rerum facie amicitia col-
lunt omnes, rebus autem aduersis ac desperatis ex con-
ferto tot amicorum numero vix unū reperiās qui ger-
manam sinceramque amicitiam re ipsa testetur. atque
heu nimium vera illa est poëtæ sententia,

*Dum fueris felix, multos numerabis amicos;
Tempora si fuerint nubila, solus eris.*

Aduersis rebus probata amicitia.



*Est enim amicus secundum tempus suum, & non
permanebit in die tribulationis. Eccles. 6, 8.
Est autem amicus, socius mensa, & non perma-
nebit in die necessitatis. Eccles. 6, 10.*

DUM Auceps quidam rara, ut inquit ille, tetendisset retia, turdis edacibus dolos, neq; his solū, sed cuius auium generi sparsa esca auidius veluti præda inhiaret, aduolant diuersæ ad pastū alites, ita ut modo una, nonnumquā dua, interdum etiā plures, quæ tamen eū non æquarent numerū quem ipsius aucupis cupiditas animo conceperat; quo fit ut cū captura ac labore indignæ indicarentur, bene pasta aucupis cōmendata negligentia iterum auolarent: ipse interim crebrius escam spargens dum totū diē inani spe magna prædæ, tereret, damnosam suam vel tandem auaritiā accusans, ne nihil profecisse videretur, illabentem cassi ultimam unicam capit Fringillam, totius diei laborisq; premium.

IN cæcam auarorum cupiditatem, qui exiguo rei lucello spreto cū indomito habendi desiderio opum acervos quærāt, & illud quod in manibus erat, & quod nancisci poterant amittunt, & frustra ad maiora animum adiiciunt.

Spre-

Spreti commodi sera poenitentia.



*Memento creatoris tui in diebus iuuentutis tuae,
antequam veniat tempus afflictionis, & ap-
propinquent anni de quibus dicas, non mihi
placent. Eccles. 12, 1.*

RUSTICVS dum satyrum in sylva quadã ingenti rigentem frigore ac panẽ enectum offenderet, commiserationis affectu motus, eum domum suam, ut membra refoueat, secum abducit. atque ut domum contendunt, fors rusticus frigoris mitigandi causa calorem manibus anhelans à Satyro, pensit tamen id non habente, notatur; Verùm dum rustici tugurium subiisset, calidaq; utrique pultis scutellam aut patinam (quod veri est similis obfamem rusticam) appositam spiritu similiter ex ore afflato refrigerantem vidisset, ex eodẽ fonte contrarios promanantes effectus iam primum obstupescens.

QVI gelidum vna, inquit, manu laticem, ignem altera gestant, omninò mihi in posterum fugiendi sunt: nam cum amicitiam vultu simulent, animo improbitate ac imposturis recto incautis imponunt.

Pal-



*Numquid fons de eodem foramine emanat dul-
cē, & amaram aquam? Numquid potest, fra-
tres mei, ficus uvas facere, aut vitis, ficus? Sic
neq. salsa dulcē potest facere aquam. Jacobi 3, 11.*

MYRIS MAIORIS ET OSTREI.

MYS maior (quem glirē pleriq³ autumant, sed quā rectē, ipsi viderint) cum lautis domi obsoniis quam splendidissimē vineret, neque ei quicquam ad exquisitam corporis curam deesset, domesticas fastidians lautitias peregrina asciticiāq³ querit cupedia, ac fors conchyliorum orexi inuitatus ad mare properat, in cuius littore extemplo hians ostreum conspicit, quod hianti aviditate, commodum nimirum suo palato edulium ratus, immisso capite è testa eximere conatus, ab ostreo id persentiscente, constrictis testis, quod capere decreuerat, ipse extremo suo damno capitur.

COMMODA vitæ ratio non est temerè cum incerta atque ambigua permutanda, expeditque mediocri forte contentum vivere, quā splendidiorem ambiendo vtramque perdere, atque tolerando vitæ statu abdicato in eum incidere, qui non modò nostræ cupiditati non satisfaciat, verum etiam exitio sit: quod tum etiam fit, cum incauti a voluptatibus, quas maximo studio acquiescimus, capimur.

Exitiosa lautioris vitæ appetentia.



Adhuc carnes erant in dentibus eorum, nec defecerat huiusmodi cibus: & ecce furor Domini concitatus in populum, percussit eū plaga magna nimis. Num. II, 33.

L 5

AQVI

LIMAX sua etiā conditionis pertasus humilē suā abiectamq; vitā continuis calūniis incessens, ad altiores splendidioresq; aspirat; quamobrem Aquilam rogat uti se in sublime atque aëra euehat, sat diu in terra abiectum repisse, tempus esse ut tandem è cœno emergat. quod ut facilius assequatur, pretiosissimam gemmam aquila, si sua petitioni suffragetur, promittit. lucri spe aquila limacis precibus assensum prabet, Ungulisq; comprehensam in altum sustollit, neque conditionis oblita, gemmam exigit: quam dum limax solvere nequiret, ab excaescenti aquila Ungulis confectus, suo malo discit polliceri id debere neminem cui praestando impar sit.

A PRAECEDENTIS fabulae sensu non multum praesens abhorret, docet quippe quā tutum sit ingenij sui ac naturae dona quemque excolere, neque altiora se magnopere ambire, illud praeterea monēs, ne quid polliceari quod in tua potestate non sit.

Inconsiderata pollicitatio.



In superuacuis rebus noli scrutari multipliciter.
Eccles. 3, 24.

MIL-

MILVI ET CVCVLI

CVCVLVM Miluus quòd vili vermiũ pa-
 stu victitaret sordidoq; alimento Ventrẽ facciret
 crebrius irrisum, cõniciis etiam incescit, Vecordiã
 pusillanimitatemq; non frugalem esse parsimo-
 niã, intendendos esse in res arduas animi nervos,
 atque Ultra vires etiam aliquid subinde audẽ-
 dum magnifico Verborũ apparatu demonstrat,
 non esse in rebus infimis acquiescendum: audaces
 namque à fortuna adiuuari, repelli timidos. cu-
 culus nihil hisce motus, intra ingenij sui se limites
 continet, contemptissimis Vilissimisq; suis escis cõ-
 tentus: neque multò post miluum, cũ palumbis in-
 sidiaretur, in casses Villici incidisse, atque è fastigio
 turris cuiusdam reliquo rapacium auium generi
 terrori hostiũq; ludibrio cauea suspensum cuculus
 cernens, idoneam se calumniatoris deridendi occa-
 sionem naotum ratus, Si tu, inquit, Vti ego Ver-
 mibus Vesci didicisses, has pedicas equidẽ euasisses.

MILVI cuculiq; exemplum atque illius ignomi-
 nia securæ nos temperantiæ victusq; frugalis admo-
 nent.

IRRI-



Propter crapulam multi obierunt; qui autē abstinentes est, adiiciet vitam. Eccles. 37, 34.

MIL-

LVSCINIAM male suada fame adactus miluus dum raperet, supplex illa ut sui misertus innocenti imbelliꝫ parcat obsecrat, pollicita si sauitia in clementiam conuersa hoc tantum sibi beneficium praestet, perpetuis se fore miluo obsequiis deuinctam. ille luscinia voce rabiem aliquantulū frenās, ecqua igitur in re sibi deservire vellet, percontatur: musicis nimirum illa modis, inquit, tuas aures demulcebo; hanc mihi natura indulset artem, neque aliam calleo. at tuo, ait, miluo harmonico concentu mihi famelico opus non est; nam cum venter aures non habeat, eo non sedatur, neque fami musica sed obsonia medentur.

RELICTIS his quæ sensuum organa tantum voluptate titillant, & à nobis tamquam ἐν παρόδῳ degustanda sunt, hæc sibi parare conuenit quæ necessarius rerum usus efflagitat, atque his ita incumbendum, ut quæ animum amœnitate sola perfundunt, nullamque aut exiguam vitæ communi vtilitatem præbent, in postremis habeantur.



*At ille dixit eis: Non legistis quid fecerit David
quando esuriit, & qui cum eo erant?*

Matth. 12, 3.

CUM fors ab operis domum brumali tempore reuerteret colonus, colubrum quendam algore sub niuibus concretum seminecemq³, quæ ipse iter faciebat, reperit; quo viso statim eum beneficii in alios conferendi memoria subit, illa præsertim tã iusta aliena miseria occasione. hunc itaque sublatum secum domum defert, ac luculento igne refovet. at coluber ignem caloremq³ persentiscens, repenti insolescit beneficio, nedum corrigitur: totamque domum peruagatus veneno omnia inficit. rusticus rei indignitate ac improbi colubri malitia iusta ira percitus, virus suum adhuc euomentem ascia discindit; Hæc mihi, inquit, pro beneficio præstito rependis gratiam? hic pietatis honos?

OSTENDIT colubri nequitia ingratitudeinis fœditatem ac turpitudinem, satisque declarat, cùm nihil sit sceleratius quàm accepto beneficio maleficiū rependere, iustas eam improbitatem pœnas ac supplicia manere.

Malc-

Maleficio beneficium compen-
satum.

177



*Qui reddit mala pro bonis, non recedet malum
de domo eius. Proverb. 17, 13.*

M

LEO-

LEONIS ET HOMINIS.

DUM iter unà Leo atq; homo facerēt, collo-
 quiiis diuersis, uti inter itineris comites fit, tēpus
 fallunt tadiumq; profectionis leuant. de Variis
 porrò inter se collocuti, ad eam fortitudinis speciē
 qua corpus concernit, atq; in nervorū robore con-
 stituta est, è familiari colloquio in disceptationem
 dilabuntur, nā uterq; suas quanta poterat ma-
 xima commendatione extollit vires, leo pro insi-
 ta animi generositate suas acriter partes tuetur;
 homo pro ingenij facultate de sua laude nil reliqui
 facit, itinerisq; parte emensa, cū se fortuito colum-
 na heroicū cuiusdam viri cum leone colluctan-
 tis eundemq; interimētis facinus insculptū offer-
 ret, intolerātius sese iactans hoc factum cōmenda-
 re, leonis virtutē eleuare occipit; eoq; procedit cō-
 tronersia, ut gloriosum hominē exastuāte bile leo
 discerneret, ac calamitoso exemplo suarū virium
 in misero & immodico iactatore specimen ederet.

INTEMPESTIVAM suiipsius vēditationem alio-
 rumq; cōtentum sequitur ut plurimum graue dam-
 num aut ignominia.



*Eccit potentiam in brachio suo: dispersit superbos
mente cordis sui. Luca I, 51.*

M 2

LEO

LEONIS, VULPIS ET ASINI.

QVONDAM inter Leonem, Vulpem & Asinum de Venatione ineunda conuenerat, neq³ segniter eam administrabant, ac suis quilibet partibus gnaniter fungēs, cū pradam affecuti essent opimam, tardus asellus quo stupidior eò præsumentiosior, eam Viritim distribuendam sumit, primamq³ sibi assignat partium. qua asini audacia suiq³ neglectu excandescēs leo, eū discerpit, ac Vulpi sortes dispartendas tradit. ea Veteri astutia ac præsenti exemplo facta circumspectior, minima sibi reservata, leoni assignat maximā. Cui is subridens, quis te, inquit, tam tantam reddidit? aliena, inquit, pericula; Verita ne easdem cum asino subirem pœnas.

PROCVL à Ioue atque fulmine vetus habet proverbium, quo cum præsens consentit locus: nam cū inæqualium infida sit societas, tutò eorum euitatur cōsuetudo. ferè enim fit, vt periculosa sit opibus viribusq³; nobis dissimilium (si præsertim insigni aliqua animi ferocitate præditi sint) amicitia.

Pœnæ formidine conciliata virtus.



*Quid communicabit cacabus ad ollam? quando
enim se colliserint, confringetur.*

Eccles. 13. 3.

i 3

LEO-

LEONE à longè viso vulpes in fugam sese conuertit: iteratò hoc conspecto fit paulo audacior, ita tamē ut cominus nondū accedere prorsus auderet, neq; eius ungulis fidere; metū tamen dissimulat: at tertio eidem occurrens, formidine omni deposita, sese in leonis familiaritatem ingerit, usque adeò eius in posterū domestica consuetudine vsa, ut gregalis huic facta (cuius feros vultus antea exhorrescebat) videretur. ita paulatim coalescit inter ignotos quadam animorū coniunctio: neque enim momento omnia sunt, nec anno euersum est flum, nec annuo imperij Romani maiestas spatio creuit, aut ipsa demum anno condita Roma fuit.

QUAMOBREM prudentis est magnatum sibi beneuolentiam pedetentim demereri, longoque usu corū sibi animos conciliare, amorem enim consuetudo generat.



In timore, incolatus vestri tempore cōuersamini.

I. Pct. I. 17.

Charissimi, obsecro vos tamquam aduenas & peregrinos, abstinete vos à carnalib. desideriis, quæ militant aduersus animam, conuersationē vestrā inter gētes habētes bonā. I. Pet. 2, 11, 12.

M

4

LEO-

LEONIS, APRI ET VULTVRIS.

ROBUSTISSIMI animalium leo & aper dum sibi in itinere in diuersa contendentes occurrerent, leo primus aprū ferociter innadit strenuēq; cū eo depugnat: ille non prouocati aut laces-
 siti violentia infrendēs, animosa virtute eius fe-
 rociam retundit. spectabat utriusq; conflictū ma-
 xima cū voluptate ex proxima aliqua arbore
 vultur, at maiori cū desiderio exitum opperieba-
 tur, futuram scilicet sperans in quamcumq; partē
 caderet alea sibi lucro eam pugnam, quippe qui ex
 alterius strage prædam occisi cadaueris cōsecutu-
 rus esset: at utroq; suas pro virili partes defen-
 dente, longa dimicatione defatigati leo & aper
 pugna absistunt. itaq; vultur inani spe se lactatū,
 vanoq; hæctenus gaudio exiluisse cernens, fameli-
 cam rabiem mastus auolans aliò transfert.

FALLUNTUR sæpenumerò qui obscura ac cæca
 spe incerta bona auidius præstolantur. sola igitur fidu-
 cia in Deo, qui nostram spem (modò rationi consenta-
 nea sit) non fallit, collocata, nihil magnopere speremus,
 ne fors frustrati, magis quid metuamus.

Immaturum ac intempestivum
gaudium.



*Spes hypocrita peribit. Iob 8, 13.
Oculi autem impiorum deficient, & effugium peri-
lit ab eis, & spes illorum abominatio anima.
Iob 11, 20.*

M 5 LV-

Q V E M A D M O D V M bonorū amicitiam
 esse perpetuam, nec bonū bono male velle vncquā
 virtutis quasi legibus & necessitate certissimum
 est, sic improborū facile euerti, uti quæ malis arti-
 bus coierit, atq; infirmo fundamēto nitatur, nei;
 perpetuò verū esse, malū malo non insidiari que-
 tidie discimus; id quod præsens lupi & vulpis in-
 uidia repræsentat. hac πολύτροπος nullius rei inā-
 gentia pressum lupū in suo antrō delitescētē cor-
 ueniens, quid sit in causa rogat quod domi obp-
 lescat, cur non interdum in agros excurrat? atque
 ab eo stomachanti (quod vulpinam fraudem im-
 faceret) repulsam passa colono cuidā lupi lustrum
 prodit; qui eò accurrens lupū conficit. illa citat ad
 antrū gradu lata properans, eius præoptuarii de-
 pascitur: at ab antro reuersa, semper quidē cersi-
 pellis, attamen minimè tum suum infortunium præ-
 sentiscens, à canibus discerpitur.

INVIDIÆ ipsissimum præmium est, aliene felici-
 tatis invidia perire.

No-

Noxiā alienæ felicitatis inuidētia.



*Vir qui festinat ditari, & aliis inuidet, ignorat
quòd egestas superueniet ei. Prouerb. 28, 22.*

VVL-

VULPIS LEPORINAS CARNES
COMMENDANTIS.

CUM in leporarium canē vulpes incidisset, neq; ullam elabendi viam cerneret, anxie secū ecqua ratione sua posset saluti consulere disquirat, variaq; animo agitante praevisa fuga opportunitate, viriū sublata fiducia, quod ultimū est vitis, & quò tamquam ad sacram anchoram confugere solent, arripit, caniq; fit supplex, dedens se eius potestati; Verū ut se à victore nullo alio quàm corporis lytro redempturū liquidò animaduverteret, oratorio fuco quem ipsa fors melius predatore cane nouerat, ei persuadet suas rudiores agrestioresq; esse carnes quàm quae suo sint placitura palato, leporinas esse delicatissimas, leporeq; à lōgè mōstrato ipse euadit, atq; is cane insequente quod longius abesset hostis spē fallit; reuersusq; sibi suā improperat malitiam, quòd se innocentē accusasset. nihil Verò minus, inquit illa, qui te potius laudauerim, cū tuas meis deliciores esse carnes dixerim.

IN hos qui aliorum vitam bonaq; in discrimen adducunt, vt se à periculo eximant.

In-

Insidiosa improborum criminatio.



*Qui quod nouit loquitur, iudex inſtitia eſt: qui
autem mentitur, teſtis eſt fraudulentus.*

Proverb. 12, 17.

TAV-

AT *quærat hic quispiã quid cū Tauro gliri? quid graculo cū fidibus? quid cum amaricino sui? quorsum adeò dissimilia nobis scena animantia ostētat? an ut elephantum culici aut faba hilum maxima alicui rei conferat, an ne ut insulsius etiã quã Tityrus ille Virgiliannus parvis cōponere magna solebat, hic aliquid in mediũ asseratur? haudquaquam. nam quæ tantam exagitare molē potuit, iure inter reliquas animantes aliquem locũ glis obtinet; illa enim robusti ferocisq; tauri, suas usque adeò iactātis vires, ut omnium aliorũ aspernari videretur, pede morsu sauciato, mox in suam se cauernam abdit, tauro nequiquam, se in tuto collocato, persequente, donec bilem concoquat præ antri foribus quod ob angustiam subire nequibat, relicto.*

POSSE & obesse contemptissimum, si ingeniũ viresq; ad nocendum intendat, innuit fabula, ideoq; fragilem etiam non esse floccifaciendum hostem, hac fictione demonstratur.

Contemptoris damno debilioris
contemptæ vires.



Veni ad me, & dabo carnes tuas volatilibus caeli & bestiis terræ. I. Reg. 17, 44.

SI.

NVDIS suis clunibus omnium impetitus iocis ac scommatibus simius, cum quo suam nuditatem operiret nusquam mutuare posset, post longam demum inuestigationem vulpem insigni ac pilosâ cauda conspicatus, ut sibi eius partem imperiatur obsecrat. id quo facilius impetret, vulpiq; commiserationem moueat, duabus potissimum utitur viis, una nuditatis ostentatione, altera utilitatis, quam hinc vulpes consecutura esset, si sua petitioni suffragetur, quod nimirum expeditior multo caudæ parte amputata futura sit. at vulpes ad eius preces obsurdescit, neq; eius rationibus persuadetur, nulla in re sibi impedimento caudam esse asserens.

Hoc hominum genus vulpino est ingenio, cui etsi affluat quo benefacere possit egestate oppressis, sordida nihilominus auaritie effascinaturn tergiuersandi perpetuò ansam inuenit.



In presenti tempore vestra abundantia illorum
inopiam suppleat: ut & illorum abundantia
vestra inopia sit supplemētum, ut fiat aequa-
litas.

2. Cor. 8, 14.

N

LV-

LVPI ET CÆLATI CAPITIS
HUMANI.

LVPVS aut factus hominibus familiarior, aut aliud quid inuestigaturus, Veteri suo Veteratorio more, cū casu statuarij cuiusdā nobilissimi officinā ingrederetur, humano capite ita affabrē ac ingeniosē elaborato, ut bruta ad se alliceret, nedū homines, auidissimē dudū summaq; cū admiratione contēplato, in hac demū verba prorūpit: Sunt in te mehercle, ô lepidū caput, quamplurima quæ uniuersos ad tuas laudes inuitāt, forma elegans pulchritudoq; ē diuina quadā symmetria educta, quibus facili omnia vincis, nullū te artificis opus aquat: attamen cū præstantissima ingenij dotē, quæ pulchritudinis præcipua pars est, destituta sis, hominem representans humani in te nihil est.

EXTERNI lineamentorū in corpore ductus, formæq; decor ac venustas qua supremi nos artificis manus ad miraculū vsq; exornauit, nisi animus virtute prudentiaq; excultus sit, neminē nobilitant: hæc enim immortalia sunt, illa aut morbo aut ætate aut alio leuissimō casu marcescunt atque intereunt.

195
Fallax venustatis larua inanime
corpus.



*Tani sunt omnes homines, in quibus non subest
scientia Dei, & de his quæ videntur bona non
potuerunt intelligere cum qui est, neque operibus at-
tendentes, agnouerunt quis esset artifex. Sap. 13, 1.*

LITEM Ovi Cervus quondam modij sili-
ginis nomine faciebat, coram lupo eam in iudiciũ
vocans. ipsa etsi ob iniqui ac sibi perpetuo odio in-
sidiantis iudicis insignem improbitatẽ iusta formi-
dine perculsa esset, indebiti tamen depulsione (tan-
ta enim innocentia vis est, ut coram sanctissimis
etiam tyrannis afflicto animũ addat) cõtra acto-
rẽ uti conata, repellitur, ac debiti solutionis à lu-
po rea damnata, indicataq̃, ad certũ diẽ satisfa-
cere iubetur. Illa iniqui iudicis metu se daturam
modium stipulata spondet, iudiciq̃ maiorẽ severi-
tatẽ declinat. Ad dictum diẽ cervus præsto est,
promissi solutionem postulat: at pulchrè ab one,
quod vis metusq̃ causa addixisset, illuditur.

QUI suis opibus viribusque fisci humiliores infir-
mioresque opprimunt, sæpenumerò eorundem pru-
dentia ac sagacitate, nec immeritò decipiuntur; haud
exigua sua cum infamia.

Pro-



*Opprobrium nequam in homine mendacium, &
in ore indisciplinatorum assidue erit.*

Eccles. 20, 26.

N

3

CA-

CAPRAE ET LUPINI CATVLI.

E CAPRILI sola se pascuis credens Capra quòd cornibus mediocriter munita esset, neque feri aliquid animantis à quo sibi magnopere metuendum in viciniis esse autumaret, in catulum lupinum incidit: is sui commodi causa eam vehementer laudare, ei blandiri cum per vim ob corporis adhuc imbecillitatem nil posset, obtestari demum, his artibus via strata, ut sibi ubera admoueat, admodum se caprino lacte delectari; quod suo maximo commodo, capra autem minimo, atq; adeò nullo damno fieri posset, id rogat ne sibi deneget. capra comiter annuit: sepius impostoris patris, impostori filio lac prabet: at factum grandiozem lupum vereri capra incipit, atque urbanè quod suo se facere cum periculo intelligebat, in posterum recusat, suam se perniciem alere considerans.

INSIGNIS cuiusdam prudentiæ est, ita inimico necessitate urgente commodare, ut tibi ipsi non incommodus.

Præstitum callidè inimico
beneficium.

199



*Altissimus odio habet peccatores, & impiis red-
det vindictam.*

Eccles. 12, 7.

N 4

FE

FELIS ET PULLASTRÆ.

GALLINÆ pullum adoritur felis, ac rapacibus unguibus immaniter correptū mortem cōmeruisse ait. id improba duabus rationibus docere conatur. priori quod matrem se ac sororem videntem suis oculis notasset: altera, quod suis importunis noctem clamoribus omnibus infestā molestamq; redderet: at ille ut se fictis ac commentitiis criminibus oneratum, neq; defensionis locum esse animadverteret, modeste excusans, neque videre matrem nec suorum quemquam, neque dolo malo pipire ut quietem cuiusquam inturbet; sed naturali quadam propensione ut reliqua animantia omnia, hos actus edere respondet. at nullis felis rationum momentis admissis immerentem voracibus dentibus iugulat.

Cum ita in vitæ officiis cæspitare homines incipiūt, ut utile honesto anteponant, facilem alterius nocendi occasionem cāptant, atque quod iure nequeunt, per vim & nefas experiuntur.

Quæsitæ ab improbo nocendi
occasio.



*Verba impiorum insidiantur sanguini: os iusto-
rum liberabit eos. Proverb. 12, 6.*


N. 5 DE.

DECREPITAE FELIS ET MVRIVM.

ÆTATE annisq; onusta, Vieta felis cū murium venationi non amplius esset. Ut olim, idonea, eorumq; usque adeo creuisse cerneret audaciam, ut sibi propemodū impunè insultarēt, atq; adeo suam augmentarent sobolem, ut funesto domesticos malo exagitarent, temporis gliscenti periculo occurrendum rata, viribus ac corporis agilitate destitistis, prudentiam sapius profuisse animo recolit, insigni se strophæ in mactram abdit, locū & somno & excubiis & habitationi & muribus capiendis idoneum. quò dum se crebrius mures conferrent, nil minus quàm felem excubantē suspicātes, aut farinam aconito infectam, singula à fele imprudentes venatione minimè omnium laboriosa, sed expeditissima, capiuntur.

INGENIO pollet cui vim natura negavit, adeoq; media suggerit prudens necessitas cū viribus destituimur: videmus enim hic artis magistrum necessitatē (qui psittaco expediuit suum *χαῖρε*, & philomelas docuit nostra verba conari) dolum hunc contra mures suggestisse.

Imbecillitas virium astutia refarta.



*Astutus videns malum, absconditus est: parvuli
transeuntes sustinuerunt dispendia.*

Proverb. 27, 12.

DE

OBRVTVS senio & decrepita atate canis cum verberibus crebrius multaretur, quod venatione minus promptè quàm cū iuuenis ac vegeto adhuc corpore esset, fungeretur, prateritos annos florentemq; iuventam qua in pretio atque existimatione apud dominū fuerat, paulo altius, secum suspirans, recolit, neque obscure suae calamitatis causam intelligens, cum se sauius indies tractari videret, heri inclementiam deprecari conatur. Verum ut se inanes excutere culmos atque immitis domini flexurum animum diffideret, in has prorumpit liberè voces: Nunc cerno tui causā, non mea mihi haëtenus benefactū esse, atque hanc qua nunc premor acerbitatem praestita opera talionem ac compensationem esse.

APOLOGVS iniquos perstringit heros, qui famulis suis tamdiu humaniter vtuntur ac vana spe lactant, quamdiu laboribus operisque faciundis sufficiunt, ne pili quidem facientes, vbi vel morbo vel corporis viribus vel ætate fracti ac debilitati nemini amplius vsui sunt.

Vtilitate circumscriptus amor.



*Et non est recordatus Ioas rex misericordia quā
fecerat Ioiada pater illius secum.*

2. Paralip. 24, 22.

CO-

COLONI CVIVSDAM ET
CANVM.

MAIORIS *verò crudelitatis. præ se* formam fert, si etiam hi ad exitium violentur quibus nostram vitam atque salutem debemus. cuiusmodi illud est quod hoc loco percensebimus. Colonus quidam gravi annonæ difficultate hibernis mensibus adactus, iumenta sua mactat, ne ab iis quidem abstinens quæ aruis colendis aiebat. quæ feritate canes perspecta, in hunc attoniti modum exclamant, Hui cū noster ad eum in eos desaniet herus qui vita ipsi necessaria suppeditant, quid demum nobis futurum existimamus, an ne ut atrocius in nos suam crudelitatem exerat? quin igitur rebus nostris tempori consulimus, eiusque acerbitatem hinc facessentes eludimus?

QUI in suos crudelis atque atrox exstiterit, quis eum externis clementem placabilemque futurum umquam autumarit? aut hisce parciturum quibus nil ex officio debet?

Inhumanitas in domesticos.



*Benefacit anima sua vir misericors : qui autem
crudelis est, etiam propinquos abiicit.
Proverb. II, 17.*

ASI-

ASINI AC TRIVM DOMI- NORVM.

OLITORI *serviebat asinus (dignior cuius omnes misereantur quàm quē rideant, quod tamē consuetius est) hic cū semel ab hero vapularet, Jovē continuis precibus pro alio fatigat: ex auditu laterarium nanciscitur, qui bonum asinum sub clientellis quotidie excarnificatum verberibus onerabat. huic ille dira imprecatus, cū Jovem accusare non auderet, iteratō vitæ mutationem efflagitat, ac tertio domino cerdoni traditur. ille demū ad saevitiam nihil reliqui faciēs, immanitate superabat reliquos. tum asinus deploratam suam sortem sera mutati heri pœnitentia deflet, primumq; utrig posteriorum multis nominibus præfert.*

IN homines delicatulos, eos præsertim qui suam aliis coguntur elocare operam: qui cū vitæ non admodum incommodæ, ob minimas molestias impatientes suam crebrò conditionem permutant, in peiorē perpetuò incidunt, eaque demum laudant quæ antea vituperarant.

- Per-

Permutata è meliori in peiorem
conditio.



*Vnumquemque sicut vocavit Deus, ita ambu-
let; & sicut in omnibus Ecclesiis docco.*

Cor. 7, 17.

O

ASI-

ASINI, BOVIS, MVLÆ ET CAMELI.

SIMILES cum similibus facillimè permisceri, atq; eosdē nullo negotio conuenire, veteri cognitū est adagio, idemq; asini, mula, bouis & cameli docet hoc loco querimonia, suas enim sibi mutuò calamitates recitant, omniū animantiū laboriosissima se inuicem consolantur, non aliundè petunt opē, quam se à præstantioribus impetratura desperant, à debilioribus non posse certò sciunt. Dū hunc in modū ad doloris solamen forte fortuna feriat, arumnosam flagrisq; subiectā vitā deflerent, impudentior reliquis asinus consensa mula, At ego excusis, inquit, sarcinis cōmodiorem in posterum aggrediar, atq; è baiulo eques fiā. Camelus cū boue natura sua dotes diligētius rimati, Quando aliis, aiūt, functionibus minus idonei sumus, iure quibus sustētamur alimēta labore ac sudore cōparamus.

NEMO asinū magnopere admiretur, qui plurimos ex hominū genere fortitus sit fratres, adeò cōfidiē inertæq; amātes, vt cū omnib. ingenij adminiculis ad magnas res gerēdas destituti sint, atq; ad solos labores nati, sui ipsius obliti, omnes molestias detrectāt, mensasq; opiparas & lauta fercula sectantur.

Victus laboriosi honestissima
acquisitio.

211



Omnes hi [puta artifices] in manibus suis speraverunt, & unusquisq; in arte sua sapiens est.

Eccles. 38, 35.

Super sellam iudicis non sedebunt. Eccles. 38, 37.

O 2

CHI

CHIRONOMI, SIMII ET CERCO- PITHÆCI.

CHIRONOMVS quidam cū simiū & cercopithecum pyrrhicham aliāq³ saltationum ac tripudiorum genera docuisset, deductos in theatrum spectandos populo exhibet. cū iam mira illi gesticationum varietate confertam hominum coronam ac turba oculos pascere, fors simius conspicatus iuenculam nuce ē sinu proferentem atq³ enucleantem, sui officij ac saltationis oblitus, effuso cursu eō aduolat, sinuq³ seu præcinctorio explorato, quantum sibi satis esse iudicabat, auferit; totumq³ (muliercula monstrosa simia accessu magno interim metu percita) theatrum cachinnis risibusq³ completur.

SIMILE quod simio iis vsu venire assolet, qui quā tenaciter combiberunt artem, atque in qua se diu exercuerunt, relictā naturæ malunt semina ductumq³ sequi, omnibusq³ sese ridendos propinare, non satis attendentes quā scitè admonitum sit, Quam quisque artem nouit in ea se exerceat.

AR-

Artis magistra Natura.



*Si mutare potest Aethiops pellem suam, aut pardus
varietates suas: & vos poteritis benefa-
cere, cum didiceritis malum. Ierem. 13, 23.*

O 3 ADO-

ADOLESCENTIS CVIVSDAM
ET HIRVNDINIS.

PRODIGVS quidam adolescens cū ad nuditatem propè omnia prodegisset, neq; præter unicam lacernam quicquam reliqui haberet, hiemis sauitia paulo factus frugalior, agrè eā aliquādiu custodit; Verū ut primū & hac se carere posse existimaret, ad veteres mores reuertitur, nam hirundine fors cōspecta malus aruspex astatē inibi esse augurās, (oblitus eius quod vulgi in ore est, Unā hirundinē Ver nō facere) & hanc dūcēdit, ita ut præter interulam eius nuditati nihil obstaret. Verū cū ex insperato suos iterū hiems aculeos exerēs ingenti eius corpus algore adureret, hirundinem seminecem frigoris ut conspiciens, Heu te, inquit, infidam, tu utrūsq; doloris caussa es, tui scilicet ipsius, quod nimium citò in has oras euolaueris; mei porrò, quod nimium credulo astatem præsagiueris.

MATVRO consilio ac deliberatione qualibet in re opus est, nihilque temerario animi motu attentādum.

Præ-

Præcept vicissitudinis fiducia.



*Qui reddit mala pro bonis, non recedet malum
de domo eius. Proverb. 17, 13.*

O

4

CER.

CERVI TEMVLENTI.

EBRIOSVS quondam ceruus, longa uide-
 licet id assuetudine consecutus ut uino esset de-
 ditus, tum se potissimū ingurgitabat cum geniali-
 ter amicos herus exciperet. hoc igitur cum conui-
 uis festum diē agente, secundos plurimos suo more
 exsiccarat calices, meroq; mentē adimente effusius
 solito omnia peragere, ebriorū more insulse ac in-
 conditē uociferari, huc illucq; se mouere, & quod
 omniū importuniss. erat, salire. itaq; in truncum
 impingens fædo lapsu crus confringit, ac decocta
 crapula pristina intemperantia odio, mero abiurato
 fit abstemius, soloq; in posterum lymphæ potu sitim
 restringit.

VINI vsus cautē moderateq; adhibendus: tantisper
 enim Bacchus abblāditur, dū confertim ingestus mē-
 tem ē sua sede deturbet, ubi uero cerebrū euicerit, mē-
 braq; ligarit, venenatos relinquens aculeos acriter pun-
 git, quare cum turpissima atque utriusque hominis parti
 sit periculosissima ebrietas, longē ab ea sapiens abhor-
 rebit.

Ebrie-

Ebrietatis comites, peccatum,
damnum, ignominia.



*Ebrietatis animositas, imprudentis offensio, mi-
norans virtutem & faciens vulnera.*

Eccles. 31, 39.

O S AV-

AB aucupe capta perdix de sua agi salute verita, uti quæ soli ingluviei serviret, dimitti se atque auita libertati restitui, disertè simul ac suppliciter rogat, magnam sui generis auium copiam (fama perfida atq; existimationis oblita) in retia se pellecturam pollicita; ac ferè percupidum amplioris lucri aucupè in suam sententiam pertraxerat, ni secum perpendisset, quæ amicis esset perfida, quamdiu utile esset, fidem hosti seruaturam, atq; incertissime certa dimittenda non esse. Indignabundus itaque, Adeon' es impudens, inquit, ut libertatem petere audeas quæ te ipsam indignam reddidisti, quòd alios in hoc discrimen adducere non dubitas à quo tu quammaximè abhorres, eaq; aliis tendis retia quibus ipsa irretiri nolles? te igitur ego hodie ob insignem illam animi tui nequitiam iusto supplicio ac mortis pœna mulctabo.

INFAMIS mors ac vltimum supplicium genuina prodicionis merces est.

Pro-

Proditio in proditoris caput re-
dundans.



*Si possides amicum, in tentatione posside eum, &
ne facile credas ei. Eccles. 6, 7.*

GAL-

GALLORVM GALLINACEORVM ET PERDICIS.

PERDICEM *rusticus emptā cum domū detulisset, gallinario cū gallis gallinaceis includit. illi ignotā alitē, inuidia inter ignotos atq; dissimiles innato quodam omnibus errore gliscente, rostris pinsunt ac male contundūt: ipsa veteris libertatis recordata, vitāq; in caretis ac virgultis absque ullo quondā metu traducta, grauter sociorū principio ferre iniurias lociq; squallorē, at seipsam consolari confirmatioriq; esse animo, ubi se in seruitutē abreptam necessitatis durissimo telo parēdum esse attentius paulò cōsideraret, neq; ipsis inter se gallis eiusdē generis auib; cōuenire, sed crebrius dimicare, ac cruētatos è pugnā discedere notasset, debere reputans aequi consulere hospitē peregrinas contumelias, quibus sibiipsis familiares iniurię essent.*

EX HOC nos loco consolabimur si sapiētissimi cuiusdā viri paulò altius animo defixerimus sententiā, nos nō reipsa sed iniurię opinione lēdi, faciliusq; improborū mores tolerabimus, si ab eorū calūniis vel æquē improbos, nedū bonos, liberos esse possē cogitauerimus.

In-

Iniuria violenta frustra culpata.



Quando sederis ut comedas cum principe, diligenter attende quæ apposita sint ante faciem tuam.

Proverb. 23, 1.

AGRI-

AGRICOLÆ ET CICONIÆ.

EX AGRO summo labore ac sudore optimè culto confitoq̃, ũberem triticeam sperabat messem rusticus: at herbescentes fruges tanta anserum ac gruũ copia detondebat, ũt turbulentam aliquam tempestatem illorum damna aquare dixisses. quibus (variis frustra conatus eas terriculis auertere) tendit agricola retia, ac casu inuolantem capit ciconiam. illa freta sua innocentia, errore se eò delatam, quietem è volatu defatigatam capere, neque ũt suas fruges demeteret ibi consedisſe aſſerens, rogat ũti se dimittat. ille libertatem se ei non modò restitutum abnuitt, postquam in suos casses incidit, ũerumetiam ad instar reliquarũ quæ tantum sibi quotidie damni afferrent, morte multaturum.

IMPROBORVM fugienda esse ciconiæ exemplo monemur contubernia, ne fors cū iis deprehensi, alienæ improbitatis cogamur pœnas luere.

Bo-

Boni punitio ob malorum con-
sortium.



*Misericordia & veritas te non deserāt, circum-
da eas gutturi tuo, & describe in tabulis cor-
dis tui.*

Proverb. 3, 3.

OVIS

OVICULAM insecutus lupo, cū in extrema propemodum adegisset, presenti periculo ei pernicipitate conciliante, consequi non poterat: ipse nihilo segnius ei insistens, undiq; angit: vallatam ipsa se fraude conspiciens, ac vix dum cuspide effugium patere, in proximum quoddam sacellum se recipit. id lupo videns, pleno cursu, ovis insecutus, in eundem locum irruit, praeda se indubitato nacturum autumans. at nimia aviditatis irrita spe falsus, cū ovi paratā decipulā gauderet, seipsum in vincula condit: nam cū tanto impetu in sacellum irrueret, incautus à tergo sibi ostium occludit, ac iam proprii periculi presentia percitus, ab ovis omnino abstinet.

COMPARATA est in inexplebilem illorum famē fabula, quibus cū satis non sit innocentes deglubere, nisi ipsos etiam totos deglutiant, iisdem capiuntur compedibus, quas insontium pedibus collocarant.

Vasfri-

Vafrities ab innocentia illufa.



*Ipse autem cōtemplabatur eam tacitus, scire vo-
lens utrum prosperū iter suum fecisset Deus,
an non.*

Gen. 24. 21.

P

IO-

IOVIS ET HYDRI.

EPVLVM splendidiss. suaq; maiestate dignū
 symposium Iupiter reliquo deorū cœtui struxerat:
 id dū animantia rescirent, ad se celestiū epularū
 apparatū spectare existimantia, sua singuli dona-
 ria ac munera conuiuij cohonestandi & gratia-
 nimi declarandi caussa in mediū adferunt; neque
 suo deerat natrix officio, cū rosam Milesiam pur-
 pureo suo colore omnium perstringentē oculos Jo-
 ui Opt. Max. offerret, diuina erga se indignatio-
 nis ignara. ferunt enim, vt primū corā Joue com-
 paruisset, & donū & muneris auctore cōtempta,
 cū reliquorū grato placidoq; animo numen ac-
 ceptarit. palamq; in deorū cœtu Jouvē edisseruisse, à
 scelestis non esse capiēda munera, quòd fraudis do-
 liq; sint obnoxia.

PECCATORES; vt ait scriptura, nō exaudit Deus,
 neq; impiorū delectatur munerib. qui nō victimas aut
 holocausta, sed contritū ac humiliatum cor postulat. id
 præsentissimi inter angues veneni ac profligatissimæ
 malitiæ hydri exemplo docet apologus.

Sceleratorum repudiata munera.



Da altissimo secundum datum eius, & in bono oculo ad inuentionē facito manuum tuarū: Noli offerre munera praua, non enim suscipiet illa. Et noli inspicere sacrificium iniustum.

Eccles. 35, 12, 14, 15.

NEQUE Verò minus impij preces atq; munera execratur Deus, aut nefanda obsecrantes in propriam ipsorū perniciem exaudit: id in ape supra quàm dici potest humano generi utili manifestè declaravit. nam cum illa fauum mellis fœui offerret, atque hanc ab eo comprecaretur prærogativam, ut eū sibi lethaliter pungere liceret, qui sua alvearia depopulaturus esset, gratissimo quidem Júpiter donum suscipit animo, obtestationem tamen benignus hominum sospitator aversatus, Multò quàm tu me rogasti aliter, ô apis, ait, eveniet: quæcumq; enim tuo pupugeris aculeo defixumq; eius vulneri reliqueris, ille tibi, non tu ei, necis causa existet. ea siquidem Vitalis spiritus ei indam semina, ut eo amisso, & te Vita simul privari necesse fuerit.

INIVRIA sanctiss. pientissimiq; fit numinis maiestati, sceleratis precibus, easque in malitiosè precantium capita retorquet.

Exosa numini improba petitio.



*Cum vidissent autē discipuli eius Iacobus & Jo-
annes, dixerūt: Domine, vis dicimus ut ignis
descendat de calo, & cōsumat illos? Luc. 9, 52.*

PHALERIS, stragulis, ephippio plumisq;
 magnificè ornatus equus ad militiā proficiscitur,
 aut ibi gloriosam ac citam mortē appetiturus, aut
 domum victoriā reportaturus latam. Scrofamq;
 prætergressus his à cœnosa sistitur vocibus: Itāne
 te miserū in ancipitē Martem mortisq; manife-
 stum discrimen tui oblitus præcipitas? cur te demēs-
 is perditū? Tu verò, inquit equus, scrofa sugilla-
 tionē retundens, hocce in luti volutabro te ullā
 immortalitatem consecuturum arbitrare? an te
 ignoras saginatam ingloria turpiq; morte animā
 amissuram edituramq;? me verò dum pro hero-
 meo mortē oppeto, nominis ac famæ immortalem
 gloriam, quæ obscura hac tenebricosaq; vitā mul-
 to præstantior est, consecuturum.

IGNAVI atq; inglorij homines nauci faciunt suo
 more probrosum sortiri vitæ exitū, modò ipsis in deli-
 ciis vivere liceat: generosus autem atq; heroicus ani-
 mus, spretis contemptisq; voluptatibus, nominis, famæ
 vitæque honestè traductæ laudem ac perpetuitatem
 ambit.

Gloriosa mors ignominiosæ
comparata.



Et audiui vocē de calo, dicentē mihi: Scribe, Beati mortui qui in Domino moriūtur. Amodo iā dicit spiritus, ut requiescāt à laboribus suis: opera enim illorū sequuntur illos. Apocal. 14, 13.

MISELLVS quidā asinus magno lignorū fasce onustus, insigni apparatu instructū comptūq; equum eminus cernens, felicem statim pronūciat, & sua sententia oppidō beatū; suam ē contra sortem deplorans, infelici se fidere, atq; adeò quarta, quod aiunt, luna natū, non cernuū modo ac humilē esse, sed perpetuis verberibus laboribusq; premi ingemiscebat. accidit, ut eundē non multo post cataphractū, grauiq; armorū pōdere pressum, ad arduam quandam militiam ablegari videret: hic suis arumnis cum periculosa equi pompa collatis; Malo nunc, inquit, vilis ego abiectusq; asinus esse, ac quotidianis cervicē laboribus domare, quàm fera militiæ crepitantia arma sectari, aut militari zona cinctus cruenti Mauortis aleam iactare.

NEQVE opes neq; honores vlla hominē felicitate perfundūt (crescentē enim sequitur cura pecuniā, maiorūq; fames) sed cupiditatū animi refrenatus ardor, quo fit, vt multo frequēter is possit esse felicior cui plurima fortuna negauit, hoc ipso cui ad explēdas delicias atque exquisitas voluptates nihil deest.

Fraudulenta ac fucata mundi
felicitas.



*Melior est patiens viro forti: Et qui dominatur
animo suo, expugnatore urbium.*

Proverb. 16, 32.

P 5

EQVI

PRÆCEDENS nos fabula docuit, quā trā-
 quille nostra & eorū vita, in quibus omnia splen-
 dida esse existimamus trutinata, subindē inter
 natura terminos conquiescimus, præsens optima
 eam ratione confirmat, cū demonstrat humiles
 eo periculo exētos esse, in quo ij versantur qui am-
 bitione quadam lubricū gloria callē emensi vāni-
 tatis præcipitiū obtinent. Nam cū ferax quidam
 equus adēto iugo ingentē baiulantē sarcinam, neq;
 oneris magnitudine de via decedentē asinū sibi
 obuium haberet, atq; excandescēs pedib; se eū, ni ce-
 dat, conculcatūrū minaretur, asinusq; elata voce
 cōsternatus thraconi locū daret, sit post aliquot an-
 norū decursum, ut tristi senecta obitus equus, pha-
 leris ab hero spoliatus, fimo sordibusq; euehendis
 mancipatus, ab Asino fors cōspiceretur. hic igitur
 illi asinus fastum cū voluptate exprobrans cōtu-
 melia memor, Tūnc, inquit, ille equus es quem ego
 olim iactantē huc illucq; iubas, spumantiq; ore su-
 perbos è pectore anhelantē spiritus, mihi insultantē
 cognoui, cedo nūc, quonā pacto ad probrosam hanc
 vitam deuolutus es?

INSOLENTIA ac contumacia talionis secum le-
 gem adferunt.

Felicitatis odiosa insolentia.



*Fecit potentiam in brachio suo : dispersit superbos
mente cordis sui.*

Luc. I, 51.

GAL-

GALLOPAVI ET GALLI GAL- LINACEI.

GALLVS quidam gallinaceus inflati tumidiq; animi tanta philantia aestuabat, ut sui generis volucrem toleraret nullam: quare cū Gallopauum (quē Indicum pauonē alio nomine indigetant) iisdem commorari locis quibus ipse, gallinus item & pullis ob tranquillam & pacatam vitæ consuetudinē gratum esse rescisceret, emulatione quadam crudele & atrox contra eum bellum suscipit: quod cū tantopere incrudesceret, ut pullasfris etiam metum incuteret atq; à galli conspectu longè arceret, gallopauus uti quietis amans, ita continua pugna ac litium osor acerri-
mus, veteri renuntians domicilio, novos lares eli-
git, bene eum vixisse indicans qui bene latuerit.

IN *ἀξενίαν* & barbaram inhospitalitatē, rudesq; corū mores qui peregrinū secum cōmodè habitare neminē tolerant. quo vtinā vitio solus Euxinus pōtus ab Apollonio notaretur, neq; Christianæ sectæ pleræq; nationes (contra Pauli doctrinā, cū tamen barbariem exuisse videri velint, barbaris ipsis extrema quadam barbarie turpissimo inhospitalitatis crimine peiores) adeò infectæ essent.

Ius hospitalitatis violatum.



Si habitauit aduena in terra uestra, & moratus fuerit inter uos, non exprobetis ei.

Luca 19, 33.

MIL-

MILVI ÆGROTANTIS.

MILVVS post longam scelerū & vita improba acta periodum, iusto Dei flagitiorū vindicis recteq; factorum remuneratoris iudicio gravi infirmitate afflictus, matre accersita summo animi affectu eam rogitat, uti pro incolumitate sibi restituenda Deum comprecetur. at illa inusitata quadā matribus erga natos seueritate ipsum increpans, hisce magis magisq; verbis affligit: Et tunc deum impiorū misereri putas, qui sua lege insisq; contemptis, prospero rerum successu sui obliuiscuntur? an ipsum flagitiosorum acerrimum vindicē esse ignoras? iure igitur tibi ista nūc obuenire, tuāque ob latrocinia senientem hunc in tuo corpore morbum experiri existimato.

RATIONI consentaneū est, ut qui prospero rerū statu ac integra corporis valetudine ingratus diuina oracula cōtemnit, deiq; obliuiscitur, is vicissim à summo numine rebus afflictis, ac membris suis muniis destitutis, iusto optimi Dei iudicio corripiatur deferaturque.

Pœna neglecti diuini cultus.



*Iniquitatem si aspexi in corde meo, non exaudiet
Dominus. Psalm. 65, 18.*

STRV-

STRUTHIOCAMELI ET LVSCINIÆ.

TEMPVS nunc est ut in scenam philomela prodeat, quæ amœnissimæ veris non aduentantis fallax prænuntia; sed varia herbarum florumq; venere luxuriâtis, diuina sua harmonia iucundissima siren hac anni parte mira hominum aures dulcedine titillat: hanc miremur quòd cum auium præstantissimis nunc cum vulture, iam cum pauone, hoc etiam loco cum castiss. Struthione contendat. nam cum ille plumarum venustate superbiret, hac suo cantu nullum illi laudis locum relinquebat, ita se demum utraq; laudat, ut sibi in reliquis optimo iure imperium deberi assereret: hac suo se cantu amantum lenire dolores, ille pretiosis suis plumis varias ad ornatum ac magnificentiam gentes uti, primumq; in commerciis vèdicare sibi locum asseribat: illa ne qui primas laudum decantandarum sibi partes vindicaret, obtineret etiam ultimas, Struthionis plumas inanis ostentationis mancipatu obscurans, Struthiocamelo relicto auolat.

PERSTRINGIT eorum stoliditatem apologus, qui ob aliquod naturæ beneficium, cæca quadam philautia, sese dignos & idoneos imperio iudicant.

Odio-

Odiosa propriarum virtutum
præconia.



*Quis enim te discernit? quid autem habes quod
non accepisti? Si enim accepisti, quid gloriaris
quasi non acceperis?*

I. Cor. 4, 7.

Q

CICO-

CICONIÆ DECREPITÆ.

CICONIA omnium quas vastus terrarū ambitus ac fluens illud aëris pelagus alit animum sola vincit in pullis suis educandis reliquas cura atq; industria, ac reciprocā quandam pietatē à suis experitur, insigni exēplo mortales sui erga se invicem officiū, ubi res & necessitas postulant, admonēs; confundit autem pullorum gratitudinis vicaria admirandum paradigma, plurimorum hominum, heu fœdā ingratitude: nam adeo religiosè naturæ legi parentum sollicitudine suscepta obsequuntur, ut cū hi consenuerint, flagitiosum nullaq; satis poenā expiandum in ipsorum censeatur Republ. curam eorum abiicere vel egestatem non subleuare. ita fit, ut cū adhuc implumes ac imbecilli corpore foetus à parentibus nō negligantur, neq; hi vicissim ab iis quibus vitā impartiti sunt, nulla ipsorū imperiū sedula cura pietate administratum, egestate squalleat.

MONET NOS rationis lumine orbata ciconia parentū curā suscipere, neq; hos inopia aut senio pressos deferere, & qui nos tam sollicitè in hanc lucē produxerunt, aluerūt, grato animi affectu deficientes subleuare.

Vica-

Vicaria prolium ac parentum
pietas.



*Exultat gaudio pater iusti: qui sapientem genuit,
letabitur in eo.*

Proverb. 23, 24.

Q 2

ASI-

ASINI VARIIS ESCULENTIS PO-
CULENTISQUE ONUSTI.

RIDICVLVS ille asinus qui toties repeti-
tus nunc aliā personā sustinet, ac ultimū se in sce-
na spectandū exhibet. exquisitissimis cibus potuq;
onustus alimenta aliis & defert & subministrat,
cū ipse interim ipsa propemodū sarcina enectus,
vili carduorū esu ac vnda potu frigida famē si-
timq; expleat atq; depellat, nulli quā sibi ipsi si-
milior, perpetuò aliquid sua natura dignū insulse
cōmittens; multorū autē asinorū aures suo exem-
plo detegens, ac fabulosam rē ad veritatē tradu-
cens, sordidos homines nimiumq; ad rē attentos
prodit; qui cū auctiorē ampliorēq; suam red-
dere familiā maximo conatu student, incōpara-
bili labore per omnem vitā ea congerunt qua in-
gratis liberis, nepotibus ac posteris dilapidanda
relinquant, atq; ipsi interim sui corporis animiq;
crudeles carnifices existunt.

DEPLORANDAM igitur auaritiæ seruitutem,
opumque flagitiosum mancipatum graphicè depin-
git fabula.

Inops

Inops opulentia.



*Vir cui dedit Deus diuitias, & substantiam, &
honorem, & nihil deest anima sua ex omni-
bus quæ desiderat: nec tribuit ei potestatem Deus
ut comedat ex eo, sed homo extraneus vorabit illud. hoc Vanitas & miseria magna est.*

Eccles. 6, 2.

Q 3

CYGNI

CYGNI ET CICONIÆ.

*Q*UID faciundum quidve omittendum in vita multorum animantiū exemplo didicimus nunc, quando virtutis arduus callis est, unaque omnes maneat nox, & calcanda semel via lethi, hanc quo animo aduentantem noctem excipere debeamus, ab olore petamus; ille sibi mortē imminentē præsciens, canora voce argutè cantās, à ciconia quadā intempestivum gaudiū obstupefcente, Ecquid tanta voluptate perfundatur anquiritur. negat ille hoc ciconia mirum videri debere, quod seipsum consoletur, atque insolita quadam lætitia gestiat, postquam sibi partam tranquillitatē in propinquo esse, tantarumq; molestiarum ac curarū, quibus irretitus hæctenus fuerit, metam se consecutum videat.

*P*OST QUAM statutum sit omnibus semel mori, & æqua lege necessitas fortiatur insignes & imos, cygni exemplo magno & heroico animo mortem contemnere discamus, & quam fata nobis laborum. metā destinant, ad hanc veluti athletæ in palæstra ad brauiū alacriter accurramus.

Generosus mortis contemptus.



*In malitia sua expelletur impius: sperat autem
iustus in morte sua.*

Proverb. 14, 32.

Q 4

PHOE

UT QUAM philosophandi rationē à tetricis humana vita laboribus ac molestiis inchoauimus, dulcedine quadā quietis permulceamus, producamus unicum phœnicē qui catastrophe lata, qualē decet esse comicum exitum, hunc actum absoluat. Tradunt hunc post sexcentorum sexagenum annorum atatē arborem in felicitis Arabia solitudinibus propter fontē aliquem seligere, in eaq; lignorum strue atq; odoriferis arborum ramalibus congestis nidulari, pōst nidum valida alarū complosione, (solis obuersum radiis) accendere, ac semetipsum medio rogo ingestum concremare, ex huiusmodi autem conflagrata materiæ cineribus enasci vermem qui renouatum phœnicē reddat.

CHRISTI seruatoris morte ignominiosa cruentā se patri pro nobis victimam immolantis atq; gloriose & admirandę resurrectionis beneficio nobis vitā reparantis typū gerit phœnix. ille nobis re ad calcē perducta laboris nostri finis sit, qui α & ω , principium ac finis rerū omniū gloriosus ille phœnix vnitatis mysterio ad vnū ouile nos traducet, in eo nos oportet hic spiritu renasci, in eo computrefacti cadaueris molem in admiranda illa corporum restauratione ad nouam ac immarcescibilem vitam reparari.

Iuuenilia studia cum prouectiori
ætate permutata.



Deponite vos, secundum pristinam conuersationem, veterem hominem, qui corrumpitur secundum desideria erroris. Ephes. 4, 22.

PHOE-

PHOENIX mihi propemodum silentiū im-
posuerat, ac florida illa aeterna ac beata vitæ spes
theatri fores occluserat, nisi Ciconia religio post
ultimum illud Plaudite, breuem hanc admoni-
tionem attexere inisset: ut videlicet illius exem-
plo, quæ annuas fœtus alicuius oblatione Deo per-
soluit primitias, nosmetipsos ad virtutis cultum
observantiamq; stimulantes, puri cordis ac pecto-
ris thura ei adoleamus; id quod procline facere
fuerit, si lerna vitiorum hydra superata, vir-
tuti viam fecerimus, tantoq; propensius id face-
re auebimus, si diuini promissi certa spe nos ipsos
fulcierimus. Iustus enim ut palma florebit. Vir-
tutis autem orbem duobus potissimum humana
vitæ officiis non Christi modo elogio, sed philoso-
phorum etiam testimoniis absoluerimus, si diui-
nos summo numini ac debitos honores exhibea-
mus, ac pari affectu reliquos mortales quo nos-
ipsos prosequamur.

Iusti-

Iustitia omnibus partibus ab-
soluta.



*Deum time, & mandata eius observa: hoc est
enim omnis homo. Eccles. 12, 13.*

F I N I S.

1871



1871

1871





5157.5

Limn. x per 4 ff n. ob.

R. a. Q. per 8 ff

R. per 6 ff

Simulstern

135 pyramis per

P. van der Borch.

upie

2-8

